

國粹叢書第二集

吳長興伯集

國學保存會印行



吳長興伯集總目

◎卷首

遺像

手札

傳附跋

叙附例言

題詞

◎卷一東湖遺稿

五古

七古

◎卷二東湖遺稿

五律排律附

七律

五絕

七絕

◎卷三北征小咏

詞

◎卷四東湖雜箸

文

◎卷五附錄

贈言

哀誄

集評

傳記

序跋

◎唱酬餘響
袍澤遺音

吳長興伯遺像

上海图书馆藏书



A541 212 0007 15808



奉馬先生

天心齋發來接弟山為有
五扇素書却也新句空
投案囊中弟外弟為句

林度四兄

吳江吳節愍札



吳長興伯傳

吳公諱易。或名曰易。

案公諱易諱易人各異說今據公崇禎間所自刊之時文標題確云吳易惕庵箸因謹據從之

字日生。號惕齋。亦號惕庵。別字朔清。

據南略但他書俱不載究未知其何本

吳江二十九都

人也。其先有千一者。自河南來遷。數傳至璋。以尋親顯。而族始大。號全孝翁。

生子洪孫山。皆掌刑部。號世尙書。山生太僕卿邦楨。邦楨生承緒諸生。即公

父也。母沈氏。賢慧。精女工。鄉里號針神。以夢日墜懷。生公。故名易。而字日生。

公少負膂力。跡弛不羈。好兵家言。務任俠。不屑以經生自見。甫弱冠。有聲復

社。為文文肅公門人。其文長議論。而詩詞特工。士林誦之。然非其好也。以崇

禎癸末

十六年

成進士。時流寇橫。邊烽日告警。而士猶希倖進。務奔競。公心恥

之。遂不謁。選歸。讀書東湖之上。與其友史弱翁。玄趙少文。渙朝夕。過從相倡

和。號東湖三子。所居里名柳胥。當太湖下流。溪水澄碧。地極幽曠。築室西向。

則洞庭。兩峯如屏。聳蔽楞伽堯峰。陸墓諸山。橫帶其右。而松陵城郭。斜負于

左若可欵枕蓋天然一水雲鄉也故先代吳沈大姓皆居之而公復于其間

搜討治軍經國牧民佐世諸策畫輯為書曰富強要覽又揭其衷之所耿耿

者作客問十三篇以示己意蓋儼然以經世自命矣明年京師陷帝崩滿洲

兵入而弘光帝在南都淫昏無所為公竊感憤大書其誓於門以討賊復仇

為已任復作恢復中興末議四篇以謁史部閣于揚州案北征小咏知公赴揚州時在乙酉

正史大奇之立奏授兵部職方主事為已監軍隨征至彭城案北征小咏懷

古戲馬臺諸園蓋即馬臺是時所作撫定高傑軍勞績特著復奉檄徵餉江南未還而揚州陷

公乃與同邑周耀始字思橋秀水籍諸生謀守吳江六月清兵徇吳江知縣林嵎走

歸閩縣丞朱國佐以册籍獻城遂陷耀始走死或言耀始於八月之敗走充浦哭泣累月死而

陳壽熊傳獨列其事於獨公從子鑑字子儀諸生欲起兵誅之聞黃蜚兵在

前當必有徵今從之無錫大喜乃徒手入縣廷罵國佐國佐執送蘇州州守以黨與詢鑑抗聲謂

張睢陽顏平原岳武穆方正學皆是也問頭目為誰曰孔子孟子遂殺于胥

門之學士街公聞之大悲即夕攘臂呼于市得三十人禽國佐授其父汝延令殺之以祭鑑遂據吳江城起兵一日得三百人三日而集三千舉人孫兆

奎

字君昌諸生華京興

字壯吳旦

案吳氏譜云字海曙南疆釋史云字爾赤然當時別有朱旦者白民先生孫也亦有

軍千餘人攻胥門不克死

之疑爾赤係朱之別字徐鏞

字堂等皆以兵來會而兆奎尤長謀計勒

兵嚴公資以重焉號孫吳軍而公所部兵悉著白抹額以標異故別號曰白

頭軍云當是時東南義師若雲霞蔚起顧皆諸生不習軍旅其兵卒多烏合

獨公與兆奎素討論兵略長於部勒訓練故其師威嚴有節翹然為諸軍冠

而沈氏有恢奇士曰自徵

字君

知天下將亂預造漁艘千匿湖中事未集而

歿及吳公軍興其弟自炳

字君

自駒

字君

亦自史公募歸因以其艘佐公又

襲擊松江羣盜沈潘等降之并其軍得千四百人益船七十屯長白蕩

今名老

而自炳復別造舟五百號箭艘屯爛溪並出沒五湖三泖間與公軍

相犄角多所殺傷時北騎初至俱不習水戰而箭艘顧窄小多利便往來施

兩槳則捷如飛人不可測度於是公徧拜軍中曰得鎮江謀報某日有北軍二千過此願擊之皆許曰諾乃佯以舟雜農民散處湖蕩間北兵至爭掠舟濟劫人操之而前散處者即來操舟計共棹至中流則猝起鑿沉之兵溺死者無算而某貝勒之自浙江還者方振旅過入測地名俗稱八斥又作八尺今從陸游入蜀記作測公又使兆奎等以神鎗邀擊之塘上塘高渠長更番闌截咸相應而北兵

所持皆短兵斫斬不及又塘窄難旋馬則大發矢衆以平基禦之案平基係船底

橫板是也矢皆著其上無所傷公又益縛草人邀箭箭集則彎弓反射且以火器夾擊北軍大敗死者殊衆乃益約諸義旅及吳志葵魯之璵等進攻蘇州而之璵死遂還攻旁郡縣克之江浙之道以闕隆武帝聞立擢公兵部左侍郎右僉都御史總督江南諸軍事魯王亦遙授公尙書說者謂公於一日之間同拜二命東南莫不榮之時部郎王期昇吳景亶等方奉通城王朱盛徵起兵西山克長興居之武進吳福之宜興盧象觀葛麟任源蓬等亦起兵湖西

聲勢甚集。然其兵弱。咸倚公爲援。獨黃蜚兵數萬在湖中。稍強。前卻觀變。兆奎乃勸公致書與聯。而李九成驕暴爲民害。又相與密謀。殲之。衆益效命。李九成者浙東人也。假建義名。率其艘千四出劫掠。故公欲誅之。或以臨敵自戕爲慮。兆奎曰。不然。今日之事。正如寸刃。剗鯨空拳。搏虎所恃。以號令人衆者。獨此區區信義而已。倘縱焚掠。則所在之民。誰非寇仇。是敵未至而先自敗矣。因佯與結好。約期合營而別。遣驍將許某討之。先有黑氣如長隄直撲李營。而隕北風。繼起飛塵。漲天未幾。復大霧咫尺。不相覩。李營之衆以爲吳軍來合營也。不之備。忽砲聲起。兵戈四集。李軍大驚潰縛。九成斬之。以其所俘掠婦女各遣令還其家。時八月七日事也。顧其初所遣黃蜚書不得達。蜚逕由吳淞屯泖湖。合沈猶龍軍中伏。爲李成棟李延齡等所禽。公因自傷。益弛斥堠。日縱酒。高會自駟。數諫不從。乃仰天大慟。謂禍敗且立至。而北帥吳勝兆軍果至矣。初勝兆旣破象觀軍。乃引軍而東。總兵李遇春率五十四艘。

先至。自平望北抵白龍橋。列陣三十里。公與兆奎合沈氏軍破走之。勝兆繼
 進。公又設伏蘆葦中。襲殺甚衆。獲其舟二十。勝兆大沮。忿城中民不救屠之。
 已率四郡兵復至屯石樁橋。斷港洑。會天大雨兼旬未休。發礮不震。弓弦皆
 解。膠而公軍無見糧諸營內。赧遂爲北軍所襲。當是時北帥土國寶患公甚。
 預遣蘇人入公軍僞降。公以誠待之。未加備也。及是猝起。公知中計。急易舟
 南走。而舟皆連繫。不得解。遂登小舟。舟重。公及所携三十人俱沒。軍竟大敗。
 父承緒妻沈氏及女皆投水死。自駟自炳及華京吳旦趙汝珪等亦力戰死。
 之一軍盡殲。兆奎將走。慮公妻女被辱。視其死而後行。遂被獲。至南京見洪。
 承疇。大言曰。先帝時有一洪承疇督師。敗績自死。封疆先帝親祭哭之。今又
 一洪承疇爲一人耶。二人耶。承疇曰。咄。汝自爲一人事可耳。驅出斬之。公既
 沈。泗半里許。其猶子某見有朱履颺水面者。謂公已死。以追急不得挈。急繫
 以。遯。又半里昇出。撫視則氣息屬焉。力救之得甦。衆喜將擁之行。公命且止。

索酒飲數大觥。張目問曰：敵既退，吾軍尙有幾？衆曰：百人耳。公聞急奮起。曰：然則速追之，必有獲。迺復還軍，返戰果大捷，奪還所刦掠甚衆。軍以稍集。諸書於八月之敗，輒以一軍盡殲四字了之，而于還軍復戰獲勝一事，咸置不載，非也。今據南略小腆紀年補入，又吳福之死難在公敗之後，係別一事，而他書皆混，合亦非，故此獨不載。公有將曰茹文略者，餘姚人也，字振先，驍勇善戰，能以長矛陷陣，公優禮之，爲奏授總兵。八月之敗，文略手刃數十人，身亦被創十餘，血盡而仆，敵疑其詐，數刃之，去久之復甦，捧其頭走南潯，休野廟中，廟祝識之，數以藥十旬始愈。間行至長興，訪母妻子，皆遇害，則復走歸公。隆武帝之二年丙戌正月，再與北兵戰于麻湖，所殺傷過當，援絕死之。會浙東兵起，公乃收集潰散，復有軍一旅，遂以元夕入吳江城，禽新令，新舉皆殺之。案公之初起，卽奉訓導潘承祚使知縣事，一月卽爲公所僇，而別將周瑞侍郎李延齡所破承祚死之，至是新令亦爲公所僇。而別將周瑞陳繼，卽陳斌，張貴等亦聚衆長白蕩，爭迎公入其營。案他書祇載周瑞日注，周莊鎮志等書增入數人，又他書謂瑞字曼青，皆非。

軍聲復振，與浙軍相應。三月二十三日，北

帥土國寶。蘇州巡撫遣其將汪茂功來攻。公檄瑞禦之。瑞善鳥銃。二十六日與戰。

于汾湖敗之。追殺至梅墩。殲其軍二千人。此據甲行日註云。又他書蘇州戒嚴。楊文驄奏公斬獲多。進兵部尚書。爵忠義伯。陳子龍亦為奏捷至浙。

監國因封公長興伯。據湖隱外史陳臥子年譜並參松陵獻集於是公以為天下事未可知。

將東聯西浙以圖大舉。而武林吳思沈綸錫士鑛蔣翊文等亦願以三千人

來附。於是公即馳書葉紹袁定計。案甲行日註時密約總兵黃斌卿自海

上至督師熊汝霖自江上至。案是時汝霖方委其師于王正中黃宗義

皆應。而躬率大軍於蘇松間策應。以復留都會。其別將張飛遠等屯四保。匯

於五日。泛蒲酣飲為北軍所襲。喪師數百。失大將羅騰蛟。明日飛遠出不意。

取金山衛。又不克。死者無算。而紹興亦陷。事愈左。公乃至嘉善與職方倪撫

字曼合營。案明史及其他各書俱云。公于八月至嘉善。獨小腆紀年

情。合營繫在六月。證之甲行日註。亦有喪羊于易之占。則公之被

獲當在六月。證之甲行日註。亦有喪羊于易之占。則公之被
月無疑矣。而會飲孫璋家為其家仇人所偵。以告總兵張國勳。北軍猝至。

公遂被獲于丁家墳。械至杭州。總督張存仁甚重公。館之署中。勸以薙髮。不可。曰：然則髡首緇衣乎？乃聽之。然卒不屈。以某月某日殉節于杭州之草橋門。年三十有五。臨刑賦浪淘沙詞兩闕。復北面從容再拜曰：今日臣之志事畢矣。遂死之。無子。友人包捷收其尸。武林僧敬然爲葬之。菜園捷字驚幾。亦吳江人。當兆奎之死。嘗哭之內橋。內橋在南京卽兆奎成仁處及公之亡。竟去爲僧。終老于西山。識者高之。而公有寵姬香孃。亦同被俘。公既薨。有艷其色。欲奪其志者。香矢死自守。泣曰：我相公每飯不忘故君。妾寧忍負之。若必相迫有死而已。諸帥聞之。咸爲肅然。莫不敬禮。遂聽其所之。香歸。乃擇族子爲公嗣而已。入一草庵。潔身削髮。終焉。初公以舟師起義。五湖三泖皆公軍令之所及。獨陳湖一隅爲長洲諸生陸世鑰軍所萃。其艚舫特大。旁縛巨蕩。形式與公製殊。號曰快船。操縱亦自由。八月之敗。世鑰散軍去。爲僧。而快船與箭艘獨至今存。

陳去病曰吾鄉多箭艘亦曰槍船俗又名槍划子環邑中五百里間斷港絕潢罔

不有之兒童至八九齡類能操槳以從案是船尾祇一櫓而頭有雙槳故當名槳船俗訛槳為槍耳

其來蓋三百餘年矣世莫知其所自始獨村毗於農隙輒駕快船馳騁湖蕩

間習拳勇競勝以為常雖其語多不經然猶知其為陸兆魚故事云兆魚即

鄉人以競渡為兆魚稱帝時遺制語曰君子之澤五世而斬又曰禮失則求諸野今歷世

且不啻七八矣孫吳軍之餘威其泯沒榛莽宜已而在野之匹夫顧若可買

其餘勇焉則誰謂遺澤之果將斬耶抑吾聞之道咸朝吳江徵漕為害特甚

於是有所謂白腰黨者纏布腰間以起事及洪楊之役孫沈餘胤猶有拳義

旗以衛桑梓者攷其時所憑藉大抵惟箭艘是資而今則江浙水師且利賴

焉烏摩箭艘之效不其遠哉案咸同間吾鄉水師特盛盛澤則有武生孫少襄金彪有槍船五百艘屯集各村鎮

雪巷則有沈六琴人杰亦有艘數百駐紮白蜆江其他則有朱氏費氏錢氏等名豪橫一時後孫費諸公俱以防勦功官至提鎮並以其

長技改定江 浙水師云 顧在吳公用之獨致敗衄彼豈習之非耶亦天不祚明而已

余故既爲公傳而復徵其遺蹟如此庶後之論者當不以成敗爲準則歟

附跋

案公起義雖年餘耳而情事繁複傳聞異詞世多憾之予生公之鄉識公之裔且得公之像獲讀公之遺書凡公之生平事知之特詳故博綜群籍草爲此篇諸凡犖犖大者掬備于是間有遺軼要於大節無關茲故闕焉

如南略所紀公在都門遇知一禪師事語近荒怪且細案之亦不實蓋京師陷時公方讀書東湖也間嘗竊歎吳

公當日膺專闔之重寄統水犀之雄軍轅門鼓角水寨樓船意必堂堂正正燦然與日星爭光今其盛昌雖不復覩而餘威遺烈猶得於煙波萬頃之中髣髴遇之則誰謂孫吳軍之草草逐劫灰而吹散耶若夫運籌帷幄決戰千里群策群力利賴尤夥綜厥人材可別爲四一曰心腹之寄則統籌軍食商量機密者也若孫兆奎沈自炳自駒是一曰參佐之才則飛書馳檄料量軍務者也若華京吳旦文乘夏復周耀始趙汝珪史玄包捷徐

鑛。葉。紹。袁。是。一。曰。偏。裨。之。將。則。衝。鋒。陷。陣。往。來。游。擊。者。也。若。茹。文。略。周。瑞。
 陳。繼。朱。斌。張。貴。周。志。韜。周。湯。四。許。某。是。一。曰。嚮。附。之。衆。則。左。右。犄。角。遙。爲。
 策。應。者。也。若。吳。福。之。陸。世。鑰。錢。棟。張。飛。遠。羅。騰。蛟。周。毓。祥。張。世。鳳。東陽國維
 之。倪。撫。孫。璋。吳。思。沈。綸。錫。士。鑛。蔣。翊。文。是。凡。此。四。類。人。不。必。僅。此。數。而。其。
 大。要。略。可。觀。矣。故。書。之。傳。後。斬。方。聞。君。子。資。以。攷。焉。丁。未。四。月。去。病。自。記。

吳長興伯集序

往在童年。讀先輩陳獻青靜遠堂集。見所為吳公日生遺集序。若傳。輒心識之。及己亥秋。撰松陵文錄。次第邑中先正遺文。自漢以來迄亡明。得三數百篇。獨未獲公著。迺貽書吾友荃中翰。暑季徵之。中翰覆言。洊遭家禍。先德手澤。一墮於鴛湖。去病案公從兄昌時字來之遭禍被戮吳梅村嘗賦鴛湖曲以悼之其子祖錫字佩遠國亡後更名鈕與陳子龍徐孚遠等舉義毀家財十萬佐軍。又為張煌言齋疏赴滇南行在。後值思陵忌辰痛哭。卒於膠州大竹山中。再墮於秋筵。又案公從孫兆憲字漢樞與兄兆寬兆宮弟兆宜齊名號為四鳳科場獄起問罪黑龍江賴徐乾學等援之歸所著有秋筵集若而公之輜重。又自沉於吳淞。以故納楹蕩焉。願予疑獻青言。搜討

益力。又覩平望志。知獻青所稱吳渙君壯者。為其地人。蓋公原稿係渙所搜輯且叙其所纂輯。與獻青合。繇是遇平望人。輒詢之。今年夏。客吳門。晤吳君堯棟。渙之族也。因一再致意。逾三月。而吳君果以公書來。則大喜。迺重為斟補。得詩二卷。曰東湖遺稿。詞一卷。曰北征小詠。中興恢復末議諸作。鄉附篇末。今別

爲雜著一卷。又甄采羣籍。爲附錄一卷。綜名之曰吳長興伯集。蓋推公之志。以恩明室也。事且感。迺作而言曰。嗚呼。天地之正氣。其鍾於人。靈偶而已哉。自宋之亡。而有文天祥。張世傑。陸秀夫。諸人自明之亡。而有史可法。錢肅樂。張煌言。諸人皆受天地之正氣。以成其爲豪傑之士者也。若公之志節。與其偉。略寧非所謂豪傑之士歟。而終以覆敗。何也。朋黨之水。火民心之陷溺。與夫天道人事之翻覆。外。迺而不可憑。依。則雖在懦夫。猶當殉之。况如公之凜凜乎哉。感秋之辭曰。天行有肅。殺在物。無特立壯夫。困成敗。千載俟真識。則公固心喻之矣。故旣詮次其篇帙。而重爲申論之如此。乙巳十月旣望。後學陳去病序於白蜺江上。蓋公當年血戰之地云。

例言

一是集原據吳堯棟抄寄本寫定。嗣柳人權以舊刊本見示。辭之互有不同。因細加推攷。知刊本懼觸時忌。頗多刪改。而抄本尙略存其真。雖間有訛誤。亦易審辨。迺竭數月之力。取兩本重爲編次。義長者從之。否者正之。缺略者足之。于是全書燦然可觀矣。

一原抄本詩二卷。曰東湖遺稿。曰雁門子山中雜詠。雜詠通卷祇三十一首。大都計偕北上時作。與標題不甚相符。惟登山至探梅諸絕。意屬原稿。竊謂山中雜咏當卽諸絕總目。而非其集之名抄者。貿然未辨。遂雜湊他作。別成一卷。雖致屢亂。失次亦不暇計。及豈非謬耶。故是編於舊抄舊刊次序。概置不問。獨爲分類排纂。仍得二卷俱名東湖遺稿。庶存作者之真。

一原抄詞一卷。名曰北征小詠。卽姑蘇懷古以下迄臨刑絕命諸闋是也。惟後附以秋湖漁父諸作。微嫌倒置。今編是卷。名仍其舊。而詞之原附于後。

者。則爲提列於前。

一茲集正付刊時。忽得公手翰一通。大喜過望。亦爲摹印。弁諸卷首。以與公像並傳。惟吳君壯所輯之稿。迄未見爲遺憾爾。

一集既刊竣。別輯得史趙二先生詩一卷。孫沈諸烈士詩一卷。茲均附之篇末。庶讀者得因端竟委之益。

一是集付刊。柳君人權襄助之功特多。誼不敢沒。用誌于此。

丁未孟夏上旬去病再識

題詞

斟定長興伯遺集卽題其後

陳去病

浩蕩襟懷壓九州邊陲長恨敵虔劉黃龍痛飲心何壯赤日揮戈願豈儘
有。鰲。鱗。楊。僕。將。可。無。綸。羽。孔。明。謀。淒。涼。一。夕。哀。笳。動。極。目。東。湖。遍。觸。體。

杜老文章數八哀傷今懷古一時來六公佳詠殊雄匹朱竹垞云啟禎之際風雅陵替古風

尤置不講日生無跡松陵誦六公詠原本杜老入哀之作諸將當年淘異材板蕩餘生思出塞如紫

關山月從軍行胡無陸沉無計拯奇災留都更謁功臣廟有留都謁功臣廟作想

見愁腸日九迴

落落中興議四篇壯猷碩畫費迴旋赤眉恨未催殘寇白狄驚傳入朔邊合

杏樓船橫一隊從容珠履納三千案公當日幕府人才極盛如夏完淳亦其一也何圖併作青

年哭笠澤雲間兩黯然完淳南冠草有細林野哭吳江野哭一詩為公與臥子哀也

英雄騷屑亦填詞十萬牢愁總繫之鐵板銅琶餘激楚曉風殘月損丰姿降

胡獨和昭儀曲亡國偏悲趙氏兒。有滿江紅和王昭儀摸魚兒賦江浙潮曲淒絕滿江紅四闋
那殊鵬舉北征時。

佩忍書來謂將刻長興伯吳公遺集先期得公遺跡小札一通又得王
山史所爲夏內史傳及爲內史營葬事甚詳喜極馳告并索詩紀之

鷹以四律即題長興集

柳人權

吾鄉陳季子磊落復英奇不遠關河阻殷勤尺素馳遺聞珍義俠喜氣溢門
楣揚挖千秋事如君信可師

慷慨長興伯曾揮落日戈頭顱捐草莽風雨黯山河賴有文章在煩君急網
羅遺函天賜汝彝鼎未云多

雲間夏內史束髮便從軍江左龍飛誤華亭鶴唳聞遺骸誰護惜後死屬王
君何日携鷄酒相從義士墳

歎息鄉邦事蕭條淚萬行陽秋今不作文獻久淪亡絕業唯君在論交許我

狂。昔。賢。如。可。起。回。首。意。蒼。茫。

佩忍編校長興伯集勤勞至矣既付印寄題五古四章 高天梅

我。師。陳。臥。子。磊。落。復。英。多。洵。爲。雲。閒。傑。浩。氣。壯。山。河。觥。觥。長。興。伯。是。亦。古。之。
徒。若。以。氣。概。論。正。復。相。同。科。井。中。史。原。有。諸。夏。君。已。無。所。學。惟。聖。賢。讀。書。良。
不。誣。大。仇。卒。不。報。空。自。麾。天。戈。各。留。一。編。書。可。泣。亦。可。譎。文。章。感。鬼。神。忠。義。
安。可。磨。投。諸。滄。海。中。定。足。靖。風。波。誦。之。發。三。嘆。令。我。淚。滂。沱。牀。頭。懸。寶。劍。一。
夕。三。摩。挲。

驕。困。難。騁。伏。櫪。志。不。伸。橫。行。掃。強。胡。天。地。爲。肅。清。展。閱。九。邊。圖。塵。沙。莽。無。
垠。嚴。寒。森。冰。雪。朔。風。吹。衣。襟。到。今。三。百。載。一。冬。不。再。春。家。破。有。孝。子。國。破。見。
忠。臣。得。當。湏。報。漢。可。隱。終。逃。秦。一。歌。從。軍。行。再。歌。胡。無。人。

嗟。公。何。不。辰。厄。運。丁。陽。九。苦。恨。古。衣。冠。變。作。夷。俗。陋。天。生。烈。士。烈。地。陷。醜。虜。
醜。矢。以。清。淨。身。擺。脫。諸。塵。垢。死。則。比。鳳。慶。生。則。儕。雞。狗。血。灑。滿。江。紅。淋。漓。滂。

上。嘔。岳。王。久。不。作。北。伐。復。何。有。異。代。有。同。悲。偉。節。無。先。後。中。夏。何。蕭。條。荆。榛。
悵。回。音。何。當。酬。夙。願。痛。飲。黃。龍。酒。

古。桐。無。凡。響。淵。然。金。石。聲。聞。之。輒。起。舞。壯。士。難。爲。情。我。友。巢。南。子。文。章。當。世。
驚。風。流。亦。儒。雅。隆。譽。翔。公。卿。揚。於。先。哲。士。遺。範。昭。然。明。慨。焉。出。巨。貲。好。古。誰。
與。倫。欲。抒。懷。舊。念。且。冀。我。道。行。此。誼。行。于。古。今。竟。逢。其。人。向。余。呼。將。伯。肝。胆。
爲。合。并。縱。云。阮。囊。澀。敢。不。略。竭。誠。用。以。誌。區。區。權。當。歲。寒。盟。

吳長輿伯集卷一 東湖遺藁

吳江吳 易日生原著

邑子陳去病佩忍編校

五古

觀詩 去病案明史五行志崇禎十一年至十四年兩京皆大旱此詩應卽是時所作

四月鵠鞠鳴。五月插新秧。南風吹平疇。蕭疎間成行。甘雨久未施。東作意倉忙。此鄉最瀕湖。瀉海惟三江。湖身猶仰盂。江口若括囊。東婁沒故道。吞噎浩

湯湯。 去病案今白蠅江東接薛殿之夏公鑿黃劉。吳淞走中央。安瀾見水卽古東江。劉家河卽古婁江。

禹跡蓄洩匪及詳。 去病案沈啓吳江水攷成祖永樂二年四月命戶部尙書夏原吉使討究採治之法以聞既得其請

遂集長丁疏治蘇州開崑山下界浦以製吳淞江水北達婁江挑

嘉定四顧浦引吳淞江北貫吳塘因婁江以入海常孰浚白茅導

諸水入揚子江松江從葉宗行疏排後忠介。陸岸前文襄。 又英宗王

言浚上海范家浦接黃浦入海。 統五年廷

臣言蘇州常有水患當設法疏浚詔巡撫侍郎周忱兼總其事許
以便宜處置忱看得吳淞江壅塞親往江上立表增輯穆宗隆慶
三年巡撫都御史海瑞檄蘇松佐屬道員黃成樂開浚吳淞江四

年。凌。白。茅。港。此。言。忠。介。者。謂。海。瑞。文。襄。則。周。忱。也。其。岸。之。制。有。羊。坡。抵。水。護。岸。擋。浪。外。護。諸。名。今。皆。廢。于。時。稽。事。盛。煤。作。舊。刊。旱。澇。多。周。防。舉。鋪。煙。雲。興。懽。笑。饅。酒。漿。吳。謳。互。激。遠。風。俗。登。陶。唐。轉。輪。

甲。數。郡。精。粲。供。上。方。嗚。呼。百。年。來。今。古。一。慨。傷。塗。泥。往。所。載。水。柔。土。不。剛。治。

水。等。治。兵。操。縱。貴。在。綱。蓄。之。欲。謹。馴。驅。之。欲。奔。驤。上。圯。下。則。澱。陂。蕩。歸。豪。強。

漱。流。日。緩。細。渠。沼。飛。塵。黃。昔。也。憂。在。潦。今。迺。并。患。暘。外。梗。與。內。壅。相。循。終。兩。

妨。空。霞。抱。赤。日。天。漢。何。青。蒼。桔。槔。無。時。休。夜。月。聲。哀。涼。焦。焚。竟。大。半。蒔。殖。安。

所。將。婦。子。對。歛。噓。其。意。卽。戈。旂。吾。聞。園。舊刊作園田。制。縱。浦。間。橫。塘。斗。門。時。

敢。閉。撩。淺。衆。力。勤。浦。浚。三。丈。降。隄。厚。八。尺。昂。斯。工。豫。農。隙。督。帥。舊刊作帥免。亂。

嘗。奈。何。三。公。後。水。利。終。茫。茫。催。科。號。曰。能。本。計。讓。弗。違。東。南。國。命。繫。荒。哉。問。

商。羊。噉。噉。幸。霖。澍。佇。茲。秔。稻。香。秋。成。急。漕。輓。未。計。陵。汝。倉。聖。人。勤。精。禋。蛟。龍。

奔。盛。祥。豈。必。恃。地。力。天。心。宜。降。康。努。力。事。胼。胝。微。衷。答。穹。蒼。

辛巳秋七月觀漕船臨發紀異

去病案辛巳為崇禎之十四年明史莊烈帝紀是年六月兩畿山東

河南浙江湖廣旱蝗山東寇起秋七月臨清運河涸京師大疫至明年正月山東賊遂陷張秋東平劫漕船云

往。年。漕。船。制。過。洪。必。三。月。今。年。七。月。秋。漕。船。始。見。發。撫。時。興。萬。慮。國。命。心。所。
切。荒。哉。久。紆。滯。觸。眼。重。驚。惕。東。南。四。百。萬。仰。給。須。旦。夕。吁。嗟。支。兌。廢。運。道。直。
如。髮。清。淮。隔。會。通。黃。流。此。中。截。洪。波。挾。濁。沙。歲。歲。苦。衝。沒。呂。梁。平。徐。城。厥。勢。
更。險。絕。譬。之。馴。虎。豹。時。復。被。吞。齧。避。黃。全。用。汶。羣。議。得。長。策。穿。洳。達。夏。鎮。新。
河。乃。加。關。駱。馬。後。復。通。兩。朝。見。底。績。所。未。開。石。滌。事。便。功。易。掇。鈔本安。流。
洶。無。虞。失。防。在。枯。暵。汶。勢。誰。最。高。南。旺。爲。之。脊。北。分。白。衛。入。南。引。沂。泗。接。泉。
湖。相。輔。佐。湖。六。泉。三。百。封。遏。使。其。羸。所。以。時。蓄。洩。曩。時。正。全。盛。神。人。兩。安。悅。
桃。花。汎。春。瀾。銜。尾。萬。艘。捷。暑。盡。事。云。竣。中。秋。動。歸。楫。當。茲。風。潦。清。迴。帆。想。超。
越。胡。爲。沮。舊刊江。干。牽。挽。方。据。拮。吾。聞。秋。冬。交。水。工。急。挑。刷。湖。陂。久。淤。澱。
泉。源。爭。盜。竊。啓。視。不。盈。掬。經。川。盡。焦。坼。河。臣。初。經。綸。盡。瘁。毀。心。骨。人。功。匪。不。
臧。適。此。天。行。厄。岱。宗。意。如。何。牲。璧。忍。衰。歎。回。空。旣。守。凍。冰。泮。始。搯。搯。及。乎。抵。

水次春徂夏已迫強半壅不來官差捉船隻此鄉同亢旱草樹代魚麥斛米

數千錢蒼生舊刊作上倉苦貴糴軍旗志豈蹙咤叱恣狼藉仰惟軍國憂孰敢

愛膏血伏願道路平飛送到京闕鈔作郡誤盜滿中原青齊暗長戟孤懸止

一道何以禦倉猝臨發意無憑鼓聲雜鋒鏑軍船既徬徨民船尤慘戚傷心

述祖制四倉何絡繹豈獨備非常兼規數年積漕事凡五變經始平江伯是

法祖劉晏富強垂石畫臨徐宿重兵况可杜萌隙簡練得其人護漕皆勁卒

輓輸疾無時夫何患淹格近議復海運所懼非漂溺出淮鑿膠萊取道良徑

帖襟喉委榛莽此計無乃拙自今霜月涼冉冉青楓原鈔楓作風今改正舊刊本作清風拂非

赤逡巡忽後時千里增冰雪安得傾天河懽笑歌利涉川竭古所誠廟堂有

調燮

從軍行五首

用兵如驅羊選軍如貫魚大將嚴束伍號令重其初裨卒互相保五畀而曹

誅卒退斬其長亡長全伍屠百萬成一身分數勢不渝况此良家子農樸異
猾 作鈔本 徒雖云應召募曾不土著殊一朝立大信威暢恩亦孚王師包節

制何言孫與吳 其一

五兵要五當衛短亦救長筦盾蔽其前後列鑣與槍十人一陣具四哨兩翼
張進退互更疊設伏兼中傍鼓旗既有教步伐自有方獨先且獨後軍令嚴
秋霜衷師敵必殲暮袍氣尤強橫行百勝餘全部無殺傷 其一

虜 舊刊 馬驟如電制以有足城兩廂迭分合分陳合則營鈎環間鹿角渠

答布縱橫其上出弩礮其下出戰兵熊彘捷弩礮風雷驚先正後以奇
精騎突厖旬衡貫其中堅馬潰虜 舊刊 奔傾門開內騎士追躡戒所輕平

沙浩萬里恃此戰守并安驅蹂虎穴指顧剗長鯨 其三

冒刃及陷陳厥名曰武螽荆秦富奇俠越蜀多材雄將軍精簡練各挽百石
弓手教梨花槍蜿蜒騰生龍豈直壯爪距腹心寄親戎鶉尾插夏服蛟鬣被

鳥。驅。大。呼。出。敵。背。血。裏。暘。舊刊傷夷。紅。首。虜。不。計。數。舊刊作不數計上。簿。皆。奇。功。

詎。誇。衛。景。栢。裨。校。盛。俟。封。其四

水。戰。視。陸。易。水。軍。視。陸。難。東。南。有。長。技。生。長。輕。波。瀾。斗。繚。峻。其。約。旋。舵。力。必。

搏。斜。開。若。雁。行。首。尾。疊。尖。攢。朦。衝。舊刊作撞壓。敵。面。舡。艦。繞。敵。端。風。驅。上。流。駛。

迅。掃。無。遮。闌。驚。帆。名。北。騎。馳。馬。號。吳。船。去。長。乃。入。短。扼。險。策。所。全。其五

閱九邊圖 舊刊本無

皇。居。天。下。壯。守。險。列。要。害。雄。心。屬。全。盛。崢。嶸。見。圖。畫。黃。河。從。西。來。地。絡。莽。莽。
會。太。行。抵。碣。石。盤。折。相。拱。拜。南。山。展。其。後。鴨。綠。古。廻。帶。表。裏。奠。神。都。東。北。胡。
門。屈。胡。亡。聖。人。出。王。氣。蔚。紫。靄。延。袤。萬。餘。里。是。處。得。控。搃。魏。公。初。經。營。去病案
公徐達也事詳明史達本傳劃。然。分。內。外。內。邊。起。古。北。透。迤。山。海。界。外。邊。首。大。寧。遼。東。
接。宣。大。首。尾。常。山。蛇。此。實。形。勝。最。聖。武。况。烜。赫。老。將。皆。豐。沛。鐵。騎。掃。紅。羅。陰。
山。裊。龍。旆。屯。牧。興。如。雲。穹。廬。日。竄。敗。嗚。呼。二。祖。烈。所。以。恢。邊。隘。緬。惟。燕。鼎。

新權宜大寧界。

去病案明史成祖紀永樂元年三月庚辰江陰侯吳高鎮大同壬午改北平行都司為大寧都司徙保定

始以大寧地

意使慕北虛開拓須更實出師必此道神機總深秘厥後席

昇平遠馭功未遂。嗣茲畫鎮九在圖。詳所載。或百里而山。或千里而薊。宣為

固者六固為山者倍。大同宣之半。遼也。薊所配。寧夏獨倍遼。未及百者。二甘

延薊之三。兩鎮屹分帶。短長互出入。墩臺燦碁置。分闡壯軍威。嶄巖成藩蔽。

烟砂浩蒼茫。毫末存大勢。獨薊失外邊。單虛在肩背。宣遼隔聲援。何以伸指

臂。自北而西。東虜患此層。遞也先。大作逆。獨石幾危棄。餘孽蹂米脂。榆林復

徙。退近者全遼喪。入城名僅在。自原鈔作在此兩臂斷。隄防益曩。撫事

求禱源羣。公積時弊。誰其志。恢復一二負。勇智議論苦盈廷。貞邪尤鑿柄。忠

謀殺其身。壯士皆短氣。感慨前朝。河山屢興替。得失嘗在人。古今同一致。

坐使疆輿削。流覽一揮涕。多難開中興。奴兒尙狂恣。將展撻伐勳。周防漸增

制。喜峯昔闌入。三葉重經緯。山永薊密雲。次第立撫治。兩協向無撫。又懲墻

子○潰○戊○寅○視○已○已○其○鋒○實○加○熾○况○當○亥○戌○交○再○入○忻○與○代○真○保○雖○連○郡○衝○射○
等○微○塞○立○督○專○守○禦○用○循○內○邊○例○所○轄○連○通○津○河○北○跨○海○岱○昌○平○并○薊○督○聲○
勢○取○聯○綴○陵○京○及○運○道○拱○護○洵○已○懿○煌○煌○廟○謨○新○斯○圖○未○之○備○積○弱○非○一○朝○
更○張○良○不○易○議○守○不○練○戰○無○乃○失○上○計○戚○公○守○東○邊○壯○猷○曾○所○試○是○時○俺○答○
封○中○邊○告○無○事○當○茲○奴○勢○張○雜○部○皆○臣○使○先○驅○作○鄉○道○不○獨○朶○顏○裔○攻○夷○貴○
以○夷○羈○縻○用○我○餌○三○方○扼○一○酋○安○得○不○殫○殫○遼○卒○走○延○安○流○氛○從○此○始○勦○練○
動○加○征○中○原○極○顛○悴○兵○荒○踵○相○促○反○側○今○猶○蝟○內○治○在○耕○屯○畿○輔○擅○水○利○滹○
沱○繞○京○東○川○原○汪○濊○卓○哉○尙○寶○公○富○強○建○高○議○放○之○實○諸○邊○足○以○省○運○饋○
西○邊○勢○較○緩○所○在○立○問○寺○俶○儻○昔○成○群○文○襄○垂○誌○記○矧○當○哈○貢○通○天○馬○千○里○
至○放○牧○宜○涇○溱○泉○香○草○豐○蔚○綏○兵○夙○稱○雄○調○發○使○之○敵○百○能○簡○土○著○通○邊○悉○
勁○厲○士○馬○飽○且○騰○鳥○劍○思○敵○懶○掃○除○事○非○常○自○古○難○置○帥○得○人○居○中○權○何○者○
非○精○銳○頗○牧○効○軍○鋒○衛○霍○充○裨○尉○奇○兵○設○三○覆○正○卒○優○六○出○誓○空○肅○慎○矢○遠○

置白雲燧長驅向河西按圖收故地前麾名王縣後陣單于繫小臣遙拜手
陛下千萬歲立馬燕然巔磨厓勒碑碣去病案此詩允為集中之冠

感秋三首

秋氣肅心骨。煩塊忽排盪。天孤白日瘦。俯仰一以曠。豪聖喜爭時。尺寸不相讓。願借羲和鞭。續彼夸父杖。又聞三山下。纍纍仙人葬。清霜下庭蘭。茶然泣相向。松柏未爲薪。青青自神王。云何大小年。聽此真宰誑。託身元化表。濁膠得疎放。其一

識道幸吾病。兼茲涼風清。夜坐百想盡。發憤脫死生。燃燈讀內典。自覺體骨輕。仙釋雖異門。所要惟金精。西吳行節氣。心景適已并。安得滅魄劍。斬此勳與名。大事一在手。蟻視濟世英。吾師隔煙霄。矯首涕泗橫。何當尋夙期。浩然五岳行。其二

白露百草零。相將委原隰。幽花抱貞香。冰霜亦已急。天行有肅殺。在物無特

立○誰○其○揮○戈○者○逡○巡○駐○西○日○鹵○莽○孺○子○名○回○斡○非○人○力○壯○夫○困○成○敗○千○載○俟○
真○識○讀○史○未○終○篇○廢○書○一○於○邑○風○高○鷹○隼○勁○水○靜○龍○蛇○蟄○神○物○故○有○為○豈○能○
測○張○翕○ 其○三

秋胡行

匡○廬○者○吾○師○授○吾○以○長○生○匡○廬○者○吾○師○授○吾○以○長○生○追○惟○退○墮○雨○
面○縱○橫○靈○骨○一○濁○安○得○再○輕○拜○受○神○劍○斷○此○百○情○歌○以○言○志○匡○廬○者○吾○師○一

解

舊刊作兩非

天○地○何○廢○興○精○誠○無○不○為○天○地○何○廢○興○精○誠○無○不○為○渴○而○追○日○夸○父○自○疲○愚○
公○荷○擔○太○行○可○移○莫○噬○精○衛○揚○塵○有○時○歌○以○言○志○天○地○何○廢○興○ 二解

文○繁○大○道○散○豪○聖○在○所○肩○文○繁○大○道○散○豪○聖○在○所○肩○群○儒○瑣○細○傳○註○拘○牽○我○
思○斷○棄○獨○觀○先○天○中○根○懦○惑○以○日○以○年○歌○以○言○志○文○繁○大○道○散○ 三解

壯○士○心○有○憑○文○采○不○足○名○壯○士○心○有○憑○文○采○不○足○名○麟○鳳○雖○威○不○能○戰○耕○飢

餐靈芝不若稻秬。霸王之國貴實賤聲。歌以言志壯士心有憑。四解
伯樂一何多。騏驥而按圖。伯樂一何多。騏驥而按圖。駑骨千金。至者載塗。隆
顛跌目孰辨。蟬蜍青海之足吞。聲鼓車歌以言志。伯樂一何多。五解

六公詠

靖遠侯王忠毅公驥

抱膝當時危懷古存匡濟英雄與世徂。風烈忍衰替我思。靖遠公振翮全盛
世。踴躍弓馬間談笑布軍勢甘涼始出鎮。整肅戎伍氣張筵。斬儒將股栗衆
相視一舉平阿台。河西晏鈔亭燧麓川肆。作逆公又決大計。鑠一作

甲金兜牟照耀宮中賜長驅。展方略奪險捥吭背指麾。風霆奔戰象失精。銳
萬古金沙江不聞漢兵至。江枯石碣爛羅拜。帳下誓凱歌萬里入勞使。千里
出。不有爪牙臣何以正神器。龍蛇壯士節蛙黽腐儒議。嗚呼三征南丹書在
苗裔。

威寧伯王襄敏公越

威舊刊作威誤寧熊羆姿高視氣敵萬脫略繩墨外勇智走飛電大廷吐奇言

排闥怒風旋威聲動異域瓌特震所見目屬膺帝心短袂故上殿帝曰快御

史為朕將而詩微弁所部皆鷹騰公也身搏戰持虛握勝策入穴虎乃困

一炬紅鹽池胡詩微本及詩綜非天千帳爛慟哭闕氏空嚙指穹廬遠舊刊本及

秦姝頓使死力賤豁達籠豪英出沒神鬼思鈔作眩丈夫重勳名志豈在鐵

券絕塞縣孤臣中援何足玷慘澹黃金印零落白羽扇胡舊刊本及詩綜

從鈔塵暗不開北顧鈔本固撫長劍詩微均作風今

新建侯王文成公守仁詩微作新建伯原鈔及詩

文成王佐才星嶽氣突兀資神道無餘童穉挺英越訪客絕塞游雜虜詩微

九騎詩綜及舊本作廣騎角馳射睥睨山川勢志蓋燕然積縱橫五十家既長稍折節

辭賦何李行久之意不屑遂深伯陽契再悟臨濟喝辭賦四句詩綜詩微俱脫今從鈔本及舊

刊本補入空濛九華雲浩蕩南屏月以茲洞儒宗奧義大闡斥精微續聖系餘

緒贊帝業運籌群盜間颺鈔作焱百巢滅神龍無安翔金翅縱高擊詩綜

俱作高掣逆旗蔽西江妖星射金闕公時擁上流詩微安危視縣詩微髮

隻手提天綱雷轟走飛檄指顧縛元兇九廟初安帖鈔作煌煌再造勛刊

本詩微俱作勳不得身獻捷帝閣紛狼狐八荒熾牙孽詩綜作置牙孽非公燁

威名乾坤免頽疊控制仗鈔作兵符中樞洵雄哲吁嗟營青蠅功大賞故

阨論道羅豪賢詩微作恬澹謝矜伐崩詩微迫戎馬際講席每不輟中

興劇南顧元老再秉鉞六字蛟螭埋詩綜作蓮千年銅柱圻漢儀耀百蠻

灑淚思田碣威寧赫遺劍伏波愾廟謁乃知非常人洞達神爽接我生世未

遠恐懼壯猷歎戡靖竟何人中原日流血

定襄侯郭忠武公登

郭公武定孫神駒渥注好十齡走健筆歛吸振奇藻動徹春秋義兵法腹笥

了安危異人出所以奠皇造英鈔作睿餘俱宗北狩初決幾一何早黃塵

擁翠蓋痛憤居庸道紫微為盪搖詩徵作搖蕩柱極西欲倒我公奮孤撐乃心

協少保國也今有君揮血視清昊嶻嶭雲中城虎豹鬱相抱崩詩徵騰萬

虜詩綜詩徵及舊陣擊衆每用少猿臂捷有神鐵騎詩綜詩徵盡穿

縞揚石雄軍聲鎖舊刊鑰資電掃撤烈天網舊刊本翻槎枒地龍繞豈

多三軍力遂爭造化巧詩看橫槊賦檄倚馬上草排宕非常姿灑氣秋空巋

高詠戰場篇寂寞風流紹

少保戚公繼光

大將東南誰戚公真鷹揚雄情恣裨闔祕筴舊刊揮陰陽夙奉綦履訓更

見經術詳結友傾賢豪文采殊頡頏曉達三門流以律師所臧龍鳥追武侯

衡軸通軒皇變化開精心什伍為鴛鴦島夷蹂南土兵氣慘不張閉營百日

練舊鈔本作開營百日內非搏力虎士強舊刊本作戰士虎力強

疾掃溟波平受鉞總薊方計伸犁庭威十萬環偏廂遠猷振華夏遠猷沮

廷議今從定策鈔作為周防亭障陣鈔雜星羅旌旄蔽日光呼韓遂

稽首到支亦來王歎關四十年胡舊刊本及詩綜馬不敢颺伐暴原鈔

貴上兵功豈必戰場竟無通侯賞坐使壯士傷時平武略細世亂智勇長問

彼登壇者曷以恢我疆

都督俞公大猷

文武道不殊自古惜灌絳俞公萬夫勇舊刊倜儻亦儒將讀書當陽亞雅

歌征虜舊刊本及詩綜上開豁延攬真沉靜韜鈴暢公師趙布衣手畫風

雲狀貫穿十八勢方圓識所規瑣瑣部使者叱咤鈔作故庸妄寇憑舟山

劇策恃橫海壯洪濤排烈焰殺氣噴高浪舊刊本及詩綜噴高浪濛

衝百丈城大壑千軍鈔作帳蛟宮覆絕島鯨波赤溟漲幕府害讜言不得

功罪當奇績。屢見攘塞默。秉謙讓。及乎雲溪役。搜剔窮。箐嶂遂。憑死間。力老謀。一摧盪。封侯數。則奇燕。領空殊。相詎多。驅除才。大受足。忠忱國。恥今未。雪元戎。况飛颺。鈔誤作豈無幽。沉士屹。然安危。仗蒼茫。鼓顰思。駕御詩綜詩微皆作馭必英匠。

憂旱舊刊本無序知此詩客畿輔時所作

黃沙蔽天日。大風日夜吹。石泉鬱不流。天雨縮不施。道旁有田父。嘆息驅春犁。自言兵旱久。困苦迭相離。胡馬早飽颺。官差夕呼追。邊需誠有急。豈奈竭髓脂。悍農聚為盜。壯農走天涯。罷農守生計。草根及樹皮。昨聞頒縣諭。父母一何慈。上云闢荒蕪。下云招流移。糠粳竟安出。牛種復焉資。所望雨澤多。留此未盡黎。豈能詈官長。但怨雲雨師。田父莫嘆息。力事努耰耜。聖主方憂勤。皇天豈無知。豐年將下答。賜醕會有時。中興美周宣。不見雲漢詩。

七古

漁父詞

江頭老叟出捕魚。江頭風浪何驚呼。漁竿細弱漁網疎。日出拏舟嘗至盱。秋夜漫漫未能日。獨臥潛蛟千尺潭。閒數星辰當空爛。

登金山大江作歌

去病案此詩當在辛巳秋間所作

崑崙東下岷江走北紀。條南紀剖葱龍王氣。劃兩都。翥鳳蟠龍扼海口。中流孤嶼此登臨。狂飈舊刊怒濤浩呼吼。蛟馳鼉鬪白日昏。中有萬古英雄

魂。六朝南宋不足數。割據并吞迹尚存。表裡江淮作屏。夔門荆門直建。旻

真人一自濠。滁出從此金陵得。混一澄江右拒左。池陽一虎出穴。一虎藏星

辰。合圍湖水赤先斲者。陳次者張上流在握。中原勢淮甸長驅。伸兩臂勝烈

嗚呼三百年長江。一望堪垂涕。陰風慘澹西北來。襄陽戰哭王孫哀。又聞青

徐擁鐵馬。漕艘隔斷飛炎灰。去病案此二事俱屬辛巳年。明史莊烈帝紀云十四年春正月己丑。總兵官猛如虎

追張獻忠及于開縣之黃陵城敗績。參將劉士傑等戰死。賊遂東下。丙申李自成陷河南。福王常洵遇害。前兵部尚書呂維祺等死。

之二月庚戌張獻忠陷襄陽襄王翬銘貴陽王常法並遇害副使張克儉等死之六月山東寇起 茫茫極目轟奔雷沉

江之鎖安在哉水艦犀軍應宿練江東長技橫天塹歷陽自昔分興亡濡須

合肥爭尺寸霸業蒼涼古戰場南北襟喉况如線咄咄前朝奮忠武曾傍茲

山掃萬虜舊刊本脫虜字烟波北極是長安創業艱難思聖祖

胡無人舊刊本無

明天子坐明堂蠻夷君長以百數稽首北面皆來王窺邊者何此殘虜天子

按劍赫斯怒六龍飛度居庸關深入驅除疾風雨甲光耀雪日射旗鉦鼓動

天大閱師登臺自待單于戰蕭條隻原鈔作雙非騎無繇見黃羊野馬相驚奔

又見元家舊宮闕原鈔作隻非柏青青是殿門玄冥海水如山立賽罕峰尖

雷電集萬里不聞胡笳聲大漠荒涼帝心惻帝曰好生誰曰否瘞爾胡骨澆

爾酒回鑾轉陣歌五章去病案明史成祖紀二十二年五月丁酉宴群臣于應昌命中官歌太祖御製詞五章曰此先

帝所以戒後嗣也雖在軍旅何敢忘已亥次威遠州復宴群臣自製詞五章命中官歌之俯矚天南垂北斗古人

百戰事開邊。威武神靈得。曾有陰山之脊。高崔。崕山也。爲塹壑。爲池。雖有千
羣鐵騎。何能爲偉哉。聖謨在漢虜。相盛衰。嗚呼。王師安得今再出一掃。慕北
無胡兒。萬疊岡巒蒼薜。剝爲君洗讀。十丈磨厓碑。去病案此詩中有脫句

少年行二首

河北少年膽骨。麤乳虎食牛。赤汗駒兩手。能揮白猿劍。囊中惟有黃石書。眼
闕思精知所以。殺人縱博心所鄙。上憂王室下蒼生。束髮馳驅託知己。剖陳
大計。煥若神險。隄山川在掌。指一朝奮策。除妖腥。身騎天駟。追流星。三十未
有二十過。金印縣腰斗如舊刊作如斗今從抄本。大英姿。圖畫雲臺高。頓使羣公色
擢判可歎。紛紛游俠。徒朝尋酒人。暮狗屠。其一

江東少年氣。無敵雙瞳紫。發射太白兵。籌霸略。知誰授。地軸天衡靜。揮斥爲
君一掃。百萬師笑譚。直似童兒嬉。綸原鈔作緡巾指揮嘗。曲羽檄。紛紜但奕
棋。擾擾羣雄避。精銳千載江山寫。清麗此等風流。蓋世亨攀龍。逐鹿會所遭。

未見鬢髯勁如戟。早看勳業利如刀。人生少壯同飛景。身不了時詎相等。歎息涓涓老匹夫。白頭始勒勤原鈔作昆吾鼎其二

擲簡歌去病案明史徐有貞傳字元玉初名程吳人封武功伯又有貞既釋歸猶冀帝復召時仰觀天象謂將星在

吳益自負常以鐵鞭自隨數起舞及聞韓雍征兩廣有功擲鞭歎息曰孺子亦應天象耶遂放浪山水間十餘年乃卒

闔閭城高天如蓋原鈔脫如字茲武功步天仰天慨金晶元氣牽牛東

將星一星如出鈔作斗大身當緯象心不疑手定禍亂非我誰跨馬廉頗力

仍壯射虎李廣數未奇牀頭爛爛五尺鐵掣出魑魅魍魎舊刊作魍啼走

勢晴空開霹靂騰光平地蟠虹霓右揮白虎崑崙坼左擊蒼鯨海水血南指

蠻煙銅柱摧北迴朔雪天山裂何來英物不可當紫眉揮鬢青瞳方謁鈔揚誤作

裘緩帶神揚揚城東孺子韓家郎雄姿逸態真無比麟閣雲臺竟何似舊刊作何

是獅兒雖小王百獸老驥翻後駒千里倉皇意盡顏色死瞪目大叫擲地起

簡乎簡乎苔生繡澀我任爾斗大將星乃孺子

卷一終

吳長興伯集卷二 東湖遺藁

吳江吳 易日生原著

邑子陳去病佩忍編校

五律

紫驢馬 舊刊本無

柳外聽鳴鞭。樓頭賀凱旋。玉珂濺赤汗。金印耀花錢。昂首嘶無恨。昆躡原作蹶。
誤氣在邊。封侯心未已。指日出祁連。

關山月 舊刊本無

烽火關山靖。秋高日獨清。令嚴無雁度。邊晏少笳聲。草白降胡帳。霜明候騎營。誰憐一片影。萬里炤寒砧。

東湖雜詩二十首

晴空望不極。獨立五湖東。水氣浮浸日。嵐刊作林光靜入風。短歌思猛虎。長嘯對高鴻。刊作高嘯。激眠龍。欲墮迴車淚。明時路未窮。其一

野。關。孤。煙。白。林。荒。雜。草。腓。鷗。鳶。嘯。樹。編。雞。犬。隔。村。稀。不。寐。翻。兵。帙。侵。晨。立。釣。磯。行。藏。天。下。事。豈。信。壯。心。違。其一

大。澤。千。年。在。英。雄。一。戰。場。魚。鬣。出。古。戟。燐。火。聚。頽。塘。沙。走。三。江。白。風。驅。百。瀆。黃。怒。濤。東。到。海。流。恨。總。興。亡。其三

百。代。傷。心。地。風。煙。莽。不。收。江。山。一。弔。望。吳。越。幾。春。秋。鴻。雁。青。楓。渚。芙。蓉。白。露。洲。霸。才。今。寂。寞。刊本何。處。問。扁。舟。其四

戎。馬。中。原。急。幽。棲。意。未。平。漁。歌。圍。夜。永。野。燒。奪。星。明。知。己。親。雄。劍。傷。時。畏。論。兵。一。絲。朝。鏡。裡。衰。颯。倍。心。驚。其五

乾。坤。獨。草。廬。舊刊作乾吾。道。半。畊。漁。竹。以。龍。分。種。瓜。從。雨。後。鋤。穴。墻。通。曲。水。洒。洒。刊作躍。潛。魚。金。石。商。聲。在。無。勞。駟。馬。車。其六

歲。月。蓬。門。外。煙。霞。澤。畔。行。長。吟。留。落。日。醉。眼。送。浮。萍。魑。魅。吹。風。黑。龍。鼉。浴。浪。青。幽。愁。異。湘。水。遮。莫。刊作把。騷。經。其七

禹蹟今何在荒詩綜詩徵及蒼茫水國開山趨天目下日躍詩綜詩徵及

海門來笠澤橋如帶淞江水似杯東南輪輓盡鴻雁有餘哀其八

灰心知地僻極目見天高不夜湖如月無風松自濤衝人老獺立入戶野禽

號箕踞眞成懶孫登愧未遭其九

清時敢避地堅臥竟如何兩岫窗中入千帆枕上過飢鷹秋舊刊健翻老

鶴日高舊刊作立平柯招隱誰當賦蒼涼起棹歌其十

湖峯七十二雙嶼洞庭高詰曲龍威字蕭疎角里蒿帝師眞不世霸氣自前

朝惆悵精靈歎西風捲白濤其一

聞道藏軍洞功成閉戰旗深宮醉舞夜敵國臥薪時雞父空圖陣猿公是劍

師荒山千載月愁照越鈔作月誤來湄其十

著述非吾願成書在救時時余輯富強要覽畊屯開地軸訓練入天機身欲依牛

角心堪冷釣絲安攘多俊傑草野爾何知其三

時危并舊刊併理亂道泰有分張易變猶東海難平獨太行楊朱路總泣阮

籍醒真狂願得蕭韶奏和鳴下鳳皇其十四

浩蕩晴波遠森疎古岸秋沙明矜獨鶴風澹悅羣鷗此日五湖長浮雲萬戶

俟臨淵尋片石真欲老披裘其十五

停午片陰合移時急雨鳴簷虛天地舊刊作曠野失壁破渤溟舊刊作怒濤傾龍

飲前溪罷虹依鈔作衣北岸生新晴豁遠日喜見衆峰清刊作青誤

柴門閒鈔作閑獨嘯史趙日經過四海烟塵半三人涕淚多富強書共論出

處事如何爲歎龐公隱仙雲掩薜蘿其十七

寂寂顧榮扇蕭蕭張翰蓴斯人不可見秋色幾回新水落魚龍臥舊刊本作水涸

蛟龍風高鴻雁賓江湖搖落裏懷古一傷神其十八

把酒天難問論愁夜易徂淒清當趙瑟悲壯倚吳歛有劍貽紅線無樓貯綠

珠封侯意飄忽欲醉轉踟躕其十九

江○北○傳○烽○日○江○東○獨○望○時○縱○橫○憐○螳○陣○經○緯○歎○蛛○絲○乍○掩○鮫○人○泣○還○驚○烏○鵲○
枝○譚○兵○推○轂○盡○十○載○厭○征○旗○其一二

傷流人

舊刊本無 去病案此詩泊下一首皆癸未客畿輔所
作時北兵方大掠燕齊而歸周延儒督師亦還京京師

定粗

兵○荒○高○白○骨○僂○倖○作○流○人○草○露○齊○生○死○風○萍○任○越○秦○飢○兒○羅○去○馬○病○婦○擁○前○
塵○夙○昔○蒼○生○淚○驚○看○更○滿○襟○

卽事

舊刊本無

偶○過○三○輔○地○悲○喜○沓○相○併○曠○野○時○裁○麥○殘○扉○半○有○丁○柳○芽○攀○作○飯○榆○莢○摘○成○
羹○暫○此○烽○烟○斷○人○人○說○太○平○

五排

留都謁功臣廟

地擁興王

舊刊作皇

勢○天○開○佐○命○英○金○符○登○赤○鼎○鐵○券○定○蒼○生○日○月○還○華○夏○乾○

坤拱大明雄姿臨虎踞魏廟枕雞鳴禮洽牲醪舊功崇汗馬勃飛騰眞主契
 豁達弔民情瀆鎮千年合侯王一氣成熊羆無逸綱龍鳥並分營跨海刺封
 豕橫江斬大鯨長驅收岱維席捲奠雍舊刊作幽并禹甸胡舊刊作邊塵靖軒圖
 殺運平百靈金鼓助萬國舊刊作篚迎懋賞存微漸勞謙尙篤誠丹書
 苗裔永雲閣畫圖榮毛髮餘酣戰關河儼力擎空霄聞咤叱風雨見旌旌拜
 座瞻神表憑楹感舊京東南仍締造寰宇半縱橫未信中興遠徒高創業名
 蒼茫盤嶽色浩蕩鬱星精俯仰深流恨遐心委築咩

兵部尙書盧公象昇哀詩舊刊本無

中興多國難上將落星芒醜虜公能滅孤臣事可傷忠存恢社稷志屈殉封
 疆推轂干城選只麾膂力剛韜非矜虎豹陣豈借鴛鴦儒雅千夫勇驍騰十
 驥良突圍嘗百騎陷銳只單槍河隴黃巾遁關門赤羽忙泣廬趨殿對捧劍
 入戎行當國權金綸觀軍狎犬羊詎能專進止但有謗飛揚仙鎮疑收岳睢

陽。執。救。張。疲。兵。寧。奮。發。賊。勢。轉。猖。狂。苦。鬪。頻。攢。箭。長。呼。再。裹。創。黑。雲。屯。不。散。
白。日。慘。無。光。馬。革。心。原。素。龍。堆。骨。自。香。原鈔本作龍骨自香誤今爲改定殘。骸。原鈔作非今
正。付。死。友。遺。恨。負。明。王。隻。矢。誰。邀。敵。群。雛。竟。飽。颺。漢。廷。思。李。牧。江。左。哭。周。
郎。願。取。囚。奴。血。荒。墳。酌。一。觴。

七律

松梅合幹詩擬應制四首

中興王氣挺葳蕤。質異同心結幹奇。月嶺半滋千歲草。舊刊格天門并發九

英枝。烹金綺里揮玄。舊刊作元非鶴。鍊液文賓駕赤螭。仙種卽今歸。聖瑞。長

生自古應昌期。其一

曾紀周王歷松證。更聞夏后頌梅梁。豈知異節還同本。始信駢根勝獨芳。青
入。羅。浮。籠。漢。月。香。浮。泰。岱。傲。秦。霜。終。軍。有。對。憑。誰。獻。解。辯。來。歸。埃。萬。方。其二

天成奇幹帝家植。素萼蒼條迴合并。作棟並支寒玉骨。和羹兼伏老龍精。風

霜節競果方碩冰雪心同柯豈更爲祝陽暉勤愛惜舊刊作元非冬回幹仗

鈔本伏誤堅貞其三

亭然各抱歲寒情鈔本今從舊刊本精誤一體呈身拱盛明氣貫冬春寧改色香投

金玉見貞盟騰霄會使風雲合調鼎能消水火爭聖世協和今有象從看楨

幹日嶢嶢其四

傷春八首

雨雪薊成胡舊刊作邊非馬動烟花帝里甲兵中烽高碣石千門月鈔誤作日角

亂溥沲萬里風豈有衛青驅絕幕幸無魏絳議和戎至尊便殿紆紆鈔作紆

籌策麟閣功名佇數公其一

春來禁苑入邊愁城上旌干舊刊作旗接御樓紫氣十陵局虎豹黃雲三輔擁

貔貅關山左臂無重險戰守中朝有壯猷文帝神靈今在眼自驅驕虜舊刊

作氣侵非奠皇州其二

聞道潼關纏寇盜。即看襄郢羽書同。鸛橋冷風烟黑。舊刊作烽烟黑鸚鵡洲空。

戰血紅地入華嵩。原鈔本作城入嵩華千嶂斷星分。吳楚一江通。上游此日犀軍急。

控扼寧誇天塹雄。其三

分符。舊刊作茅列闔幾紛更。益餉增兵祗舊刊作枉擅名。荒草八城生。戰骨哀筋。

三協。詩微作疊亂春聲防邊。翻待樓船將逐虜。詩微舊刊作寇非還徵下瀨兵。北望。

只今消息斷東南。羽檄但縱橫。其四

清淮一道接邢溝。迤北風煙暗不收。豺虎晝霾滄海氣。龍鼉春壓大河流。田

橫島擁千家。哭黃石山懸萬國。愁安得材官。千百輩削平東國。到燕幽。其五

時危苦憶長安信。世變驚聞歧路迷。殿上紛爭新洛蜀。舊刊作城城中兵火舊。

荆齊愚公荷擔山。為徙壯士揮戈日。未西願告同舟憂。國計急銷金甲事。春

犁。其六

北伐南征計不難。憂時狂客淚漫漫。乾坤事業雙蓬鬢。今古行藏一釣竿。掌

上。山。川。閒。自。笑。胸。中。兵。甲。老。誰。看。愁。聞。內。外。頻。推。轂。敢。向。江。湖。問。築。壇。其

七

湖。上。尋。春。強。自。寬。冥。冥。煙。霧。萬。花。作詩家。闌。衝。星。短。劍。青。霄。迴。望。氣。輕。舟。白

日。寒。北。海。清。尊。還。虎。步。南。陽。高。嘯。作詩臥。微。只。龍。蟠。安。危。肯。信。英。雄。事。潦。倒。休

歌。行。路。難。其。八

七。夕。白。下。有。懷。舊刊本無

此。夜。秦。淮。正。旅。愁。更。堪。銀。浦。渡。清。秋。烟。含。纖。月。添。新。黛。風。送。輕。霞。展。故。綢。天。上。有。情。能。駕。鵲。人。間。無。信。愧。牽。牛。雙。星。應。識。離。思。苦。曾。遣。羈。魂。到。畫。樓。

秋。夜。雨。霽。同。友。人。讀。虬。髯。傳。志。感。舊刊本無

東。海。待。月。不。肯。上。水。懸。寶。鏡。明。秋。庭。飛。聲。入。雷。髯。亦。紫。吹。影。作。劍。燈。忽。青。片。語。欲。下。古。人。淚。長。言。還。勒。座。右。銘。讀。書。痛。飲。盡。十。斗。馳。夢。絕。島。驚。滄。溟。

次。琢。州。見。勇。衛。營。禁。兵。入。楚。舊刊本無

飛。騰。萬。騎。出。神。京。江。漢。沿。沿。助。遠。征。日。麗。鴛。鴦。新。戰。隊。風。驅。龍。虎。舊。軍。營。中。

原鼓角今須靜。南國輸將漸可輕。恃有 聖朝優廟算。無煩韓范盡知兵。

其二

虎旅行開涿鹿營。天威遙震岳陽城。十年盪寇還增寇。此日邊兵復禁兵。
祇爲盤根難利器。翻勞神策用長纓。更聞塞北秋防急。旦夕軍書望斬鯨。

別同門五子 舊刊本無

燕市蒼茫別思寒。狂歌日落酒初闌。臺空駿骨悲何在。匣動龍泉醉裡看。君
父冰霜同載贄。友朋風雨獨征鞍。南山此去躬耕樂。前席諸君有治安。

良琢道中 舊刊本無

日遠長安首重回。憂時涕淚暗相催。荒堤楊柳還綠廢。屋梨花慘自開鞍。
馬空將髀骨去。風塵漸遣鬢絲來。十年未醒封侯夢。頹澹風雲酒數杯。

聞燕齊間一婦人殲二虜事 舊刊本無

憑將巾幗剪天驕。將帥何勞一矢邀。自有奇謀刺二虎。非關神技落雙鵬。夫

人。城。上。重。開。幕。娘。子。軍。前。再。建。標。鱗。閣。年。來。真。寂。寞。願。圖。窈。窕。在。雲。霄。

五絕

湘江曲 舊刊本無

郎。蹤。定。何。處。妾。夢。渡。瀟。湘。塞。鴻。空。嘹。唳。驚。迴。寒。夜。長。
去病案此詩似憶思文皇帝而作

從軍行 一作春閨怨舊刊本無

一。自。從。軍。去。經。年。不。復。回。問。階。花。霧。下。空。輿。月。徘徊。
去病案此詩似憶弘光皇帝北狩而作

七絕

前題五首 舊刊作三首少第二第五兩首

誓。斬。樓。蘭。虜。大。宛。
舊刊本松陵詩徵明詩綜俱作己分沙場報國恩 身。經。百。戰。滿。創。痕。

但。死。教。去。圖。麟。閣。不。願。生。還。入。玉。門。
其一

千。里。河。南。一。戰。收。朔。方。再。出。長。平。侯。橫。鞭。已。斷。天。驕。臂。大。纛。看。懸。日。逐。頭。
其二

萬里黃沙冷日圍。十年青海逐蓬飛。未縣玉塞封侯印。羞見金閨少婦衣。
沙驚日黑掃穹廬。風靜平明幕北虛。胡虜舊刊改空傳鳴鏑騎將軍。新制
武剛車其四

大掃王庭立漢碑。喧喧饒吹卷朱旗。陰山并作昆明石。瀚海收爲太液池。其五

白下有懷舊刊本無去病案白下二

孤樓客夜動千憂。戰伐中原急未收。自笑虎頭空有相。深閨眞悔覓封侯。
說劍。啣杯。每夜分離愁。此夕共紛紛。橫行何日英雄事。幕府高開娘子軍。

穆陵關去病案此首鈔本脫去今據舊刊本補致山東通志

謂南至于穆陵是也又穆陵城在縣南境

嚴關蕭瑟古今悲。亂石高低匹馬遲。傳是開平酣戰處。摩娑蒼薛有殘碑。

臨淄道中原鈔無據舊

清流曲岸古臨淄。白棗方稀碧柿垂。駐馬荒邱懷仲父。霸才江左有誰知。

宮怨五首

癸未九月燕邸病案公子癸未成進士時犇競之習大盛公心恥之

遂不謁選而歸

取次承恩入漢宮。紅顏慘澹畫圖中。雙蛾寧讓三千隊。未肯黃金囑畫工。
風吹團扇委銀牀。拜月空庭玉露涼。但願君心長似月。儘教歌舞落平陽。
曾從銀浦拾支機。織就龍鸞五色霏。漫有迴腸成錦字。漢宮珍重是蛾眉。
射生紅粉蹴花驄。內苑風生綺繡叢。贏得君王頻一顧。爭知若個會當熊。

知抄

如作

輦絕長門無奈秋。君恩不信水東流。欲將幽恨題紅葉。空舊刊逐寒泉出御溝。

別范子

舊刊本無

平沙浩浩水漫漫。行客羈人總不堪。偏有長隄千樹柳。送行青眼似江南。

過督亢

舊刊本無

我來特爲訪屠沽。論劍無人獨醉歌。浩野悲風如擊築。蒼涼督亢古輿圖。

易水

原鈔無據舊刊本詩徵補入

歌翻變徵筑聲殘。七首秦庭去不還。千載蕭蕭嗚咽水。至今遺恨負燕丹。

鄴宮

千騎宮娃簇仗新。白櫻桃拂紫綸巾。年年遺殿花爭發。可憶當時馬上人。

亞父冢

原鈔作亞夫塚誤今據舊刊本改正

河決川原幾變更。高邱何事獨崢嶸。五陵王氣銷烟草。玉斗千年恨未平。

斬蛇溝

龍蛇此地辨雌雄。赤帝威神想像中。三尺已隨風雨去。寒溝夜夜氣成虹。

雁門子山中雜咏

登山

舊刊本無

懶上層峰對夕暉。松杉應笑故人非。披襟不解前朝帶。珍重猶籠左袵衣。

棹舟

舊刊本無

水底危峯過幾重故園回首白雲封秋濤處處翻波浪總是桃源不問踪

對月

舊刊本無

對影成三月帶愁烽烟滿日月含羞蟾光慚照人間路歷歷衣冠盡楚囚

看月

舊刊本無

奇峯疊疊出巖灣新舊雲頭爭過山因是野烟迷四境層巒不比往時間

刪竹

舊刊本無

斬除藤蔓衛新篁窗外應添日月光莫謂枝柔清節嫩歲寒亦自不彫霜

聽雁

舊刊本無

嘹唳重歸舊版圖江南非復坦夷途北風已渡衡陽界莫戀平沙不住呼

探梅

舊刊本無去病案此數絕似南都淪後起兵不得志遁跡荒野時所作惜無從考證一憾也然幸詩意自易辨

昨夜春風已暗還梅花消息又依然去年幾度花前醉今日人情比去年

吳長興伯集卷三 北征小詠

吳江 吳易日生原著

邑子陳去病佩忍編校

詞

一翦梅

秋湖尤淩亂 去病案秋湖下七首原抄雜附絕命詞後舊刊失次今特提置前行似於箸作歲月先後較合

紅染青楓白露霏。江上鴻棲。城上烏棲。扁舟野客倒金卮。霜下花稀。月下星稀。舊事興亡總奕棋。顰也西施。笑也西施。英雄心事總成癡。俊殺鷗夷。殺鷗夷。

漁家傲

漁父

鸚鵡洲頭天映水。鳳皇池上山橫翠。短艇輕綸隨處熾。秋似洗。玉醅金蕊銀絲鱠。澤畔三閭醒與醉。蘆漪伍子歌和淚。苦恨英豪成底事。煙月裡。笛聲吹徹鰲魚睡。

滿江紅

和王昭儀

回首昭陽千里外。愁雲凝色。那堪憶。蛾眉初入承恩。瑤闕畫鳳殷勤。團扇底。

當熊熊抄作鱣。宛轉金輿側。嘆帝城烟景入悲笳。容華歇。驪山恨終難。

滅青塚。怨何須說。對新齋清磬。暗沾襟血。苦竹春迷。瑤瑟雨。衰蘭秋老。銅仙

月。願化為綵石。補還他乾坤缺。仙原抄作山

滿庭芳七月八日夜作

靈鵲初回。飛梁乍拆。商飈還湧層波。人間天上。會少總離多。多少天台花謝。

鈔作楚宮冷。雲雨模糊。斷腸甚。篁枯絃絕。清淚滿蒼梧。鈔作清血。新愁。

從此夜一歡。成夢後約。蹉跎恨天公。懵懂情種。偏磨更恨。機中素手。空憔悴。

雲錦魚梭。待借取女媧刊作木石。銜血去填河。

渡江雲秋中無月

喚吳剛何在。憑將玉斧。為我掃豐隆。道天公老去。愁見今秋。不比往時同。興

亡滿眼。齊州恨九點。煙空那堪照。秦關漢苑。楚殿與吳宮。朦朧銀河影。沒

珠斗光收深鎖。霓裳夢最斷。魂繞枝驚鵲。失侶哀鴻。何年赴瓊樓。舊約橫鐵。笛翳鳳驂。龍挽東海。爲伊洗出。瞳矓矓。矓矓作矓矓

摸魚兒 浙江潮

問天。吳鞭江驅。澥爲誰簸。弄如許。一絲練影。搖天末。瞬息魚龍嘯。舞流傳。說道白馬素車。果否英雄。刊作魂怒。旬旬雷鼓。看銀闕鯨翻。雪山鰲碎。刊本作看

處。霸圖牛斗。曾雄踞。鈔作爭氣壓廻瀾。萬弩。今又古。只恐怕蓬萊清淺。迷歸路。歸時記取。有精衛心癡。麻姑眼老。桑澥幾朝暮。刊作盼望久延。

賀新郎 九月九日作

身世今如此。甚重陽。正逢陽九。劫灰。舊刊花飛墮。舊刊愁雨驕。嬌抄作雲。天欲暝。舊鈔作孤館海涯。愁寄縱滿目。千崖秋霽。紅萼黃英。堪鬪豔。儘刊但登臨。只迸新亭淚。千斛酒。怎堪。刊作醉。龍山嘲咏。成何事。儘英雄彭

城歌舞。金釵鐵騎。揮霍燕秦。如電掃。萬里鷹揚。虎視問江左。霸才何處簡。
 檢盡紛紛。南北史。算神州。離合渾難據。江水咽。向東注。
 作刊

春從天上來 原鈔本無今據
舊刊補之于此

有。個。惺。惺。記。雲。鬢。春。鬢。波。翦。秋。晴。哀。彈。麗。曲。嘹。嘖。流。鶯。筆。走。錦。字。蛇。驚。憶。挑。
 燈。丙。夜。翻。青。史。評。判。豪。英。兩。心。期。待。功。成。拂。袖。梅。墅。蓴。汀。 藹。然。江。湖。風。景。
 悵。柳。拂。章。臺。憔悴。青青。是。耶。非。耶。樓。空。人。去。夢。語。嗚。咽。悲。凝。縱。成。灰。心。事。多。
 情。債。浩。劫。魂。縈。恁。飄。零。章。郎。兩。世。杜。牧。三。生。

念奴嬌 原鈔本無今據
舊刊補之于此
當在東湖時作所謂倡和詞者是也
去病案以上九首
當前

蓬壺舊約。歎滄溟塵起。赤霄無際。一墮人間迷歸路。空灑神州血淚。鐵馬嘶
 星。彫戈枕露。慘澹中流逝。年華過眼。笑人何限。鄧禹。苦恨興廢匆匆。黃金
 白髮。短盡男兒氣。半餉青瓷終古夢。漫道可人強意。江漢沉碑。祁連起冢。衰
 草斜陽裡。千年老鶴。唳斷點煙杯水。

滿江紅

姑蘇懷古 去病案以下諸作皆西謁閣部隨征彭城時 筆故原題北征小咏今仍標其舊題而為次弟之如此

斗大江山。經幾度興亡事業。瞥眼處稱王說霸。戰爭不息。鈔作香水錦帆歌

舞罷。虎邱鶴市精靈歇。漫簡殘吳越。舊春秋。傷心切。伍胥恥。荊城雪。申胥

恨。秦庭咽。更比肩種蠹。一時英傑。花月煙橫西子黛。魚龍水噴鴟夷血。到而。

今。薪膽向誰論。衝刊作冠髮。

滿江紅 除夕丹 陽道中

地。圻天摧。孤臣恨。渡江孤楫。堪此夜。吞聲相對。椒花柏葉十七年間。胥與肝

三千里。外陵和闕。想明朝。新歷舊江山。迴腸裂。赤眉剪。南陽業。黃巾盪。中

山傑。看金陵。王氣漢家隆。準倚劍崑崙封豕骨。洗兵星海長鯨血。取大讐。函

首告先皇。雲臺烈。

水調歌頭 北固亭

千載孤亭在。萬里大江流。風飄雨打。何處去。瑜亮孫劉。共道寄奴蓋世。可惜。

燕秦拱手粉碎。擲神州。問虎吞龍。鬪六代。有人否。酒可飲。兵可用。志難酬。
橫戈躍馬。甚時了。國恥君讐。畫裡金山鐵甕。夢裡雲臺麟閣。身世兩沈浮。青
青看不倦。爭奈溼雙眸。

念奴嬌

渡江
雪霽

江天一派。初日霽。萬樹千山。爭白銀甲。霜戈渾認。作縞素。三軍橫列。薪膽君
臣。釜舟將士。灑盡傷時血。中原何在。問中流。古今楫。回首北固。金焦晴光。
如畫。拱帶金陵業。虎踞龍蟠。都不信。此日乾坤分裂。席卷崑秦。長驅幽薊。試
取中興。烈妙高臺。上他年。浩歌一闋。

水龍吟

廣陵
夜泊

繁華自古揚州。江流東去。風流換。蕪城草滿。瓊臺花謝。迷樓人散。鼓角聲邊。
旌旗影外。暮雲零亂。歎興亡。多少英雄束手。傷心處。從頭看。二十四橋隄
畔。傍垂楊。孤舟短纜。胸中湖海。更超鈔起作百尺元龍。誰喚。酣眼橫斜。天南。

地。北。歸。鴻。唳。斷。漫。狂。歌。一。陣。斜。風。急。雨。漏。沉。燈。暗。

木蘭花慢

淮陰懷古

清。淮。天。共。水。數。往。事。幾。雌。雄。想。國。士。登。壇。王。孫。進。食。枉。殺。重。瞳。男。兒。爲。知。已。
死。又。何。妨。鳥。盡。便。藏。弓。熱。鬧。神。鴉。社。鼓。蒼。涼。漢。殿。齊。宮。霸。才。王。佐。逐。飛。蓬。
成。敗。總。朦。朧。歎。碌。碌。田。橫。匆。匆。士。雅。草。草。元。龍。荒。臺。是。劉。伶。土。好。澆。他。杯。酒。
對。春。風。刊作東風。嘯。斷。孤。城。夜。月。鈔作角夢。回。古。寺。晨。鐘。

滿江紅

彭城懷古

霸。業。銷。沉。還。留。下。連。山。巨。浪。想。當。日。金。戈。鐵。騎。風。驅。雷。盪。戲。馬。臺。平。神。駿。去。
斬。蛇。溝。冷。蛟。龍。葬。算。古。今。形。勝。說。彭。城。空。悲。壯。荒。原。草。虞。歌。唱。新。春。燕。高。
樓。傍。更。蕭。疏。野。老。閒。庭。鈔作亭鶴。放。黃。石。遺。祠。臨。古。岸。東。坡。斷。碣。懸。青。嶂。歎。
成。名。豎。子。共。英。雄。乾。坤。愴。

金縷曲

戲馬臺在彭城時

去病案此詞當作故編次于此

九曲黃河刊作瀉。似重瞳風流豪宕。美人駿馬。驀澗注坡三十萬。蓋世暗

鳴叱咤。目斷處高邱浩野。成敗難平廣武歎。儘紛紛豎子王和霸。君莫笑。拔

山者。卯金龍種堪無價。下梢頭使君七箸。寄奴田舍。玉帳萊萸歌吹滿。舊

楚樓船臺榭。對寂寞山川圖畫。鬪虎英雄爭鹿地。付烏騅赤兔。漁樵話藉草。

坐。淚盈把。

沁園春 病憶家園

匹馬驅馳。滿眼烽烟。撲面塵埃。歎日邊夸父。鄧林餘恨。海中精衛。木石空哀。
潘鬢添絲。沈腰寬帶。豈為傷春病酒。哉憑誰訴。只孤琴對月。雄劍鳴雷。東
湖瀟灑茅齋。正水曲山橫。傍淺涯。憶短衣角射。晴雲落雁。長箋鬪句。午夜銜
杯。修竹千竿。新松鈔作數尺。小徑還應長綠苔。悵望我。有多情。猿鶴野老。
須來。

賀新郎 寄懷史弱翁孫君昌趙少文
吳扶九包驚幾 舊刊本無

事業那堪說。似當時。隆中過從。鄴中歌答。高論興亡先後著。從古兩三豪傑。
轉盼裡。山河橫裂。獨向司州深夜舞。要長驅直搗。心如鐵。勸杜宇。莫啼血。
樹猶如此。人悲切。竟何年。披榛掃灑。漢家陵闕。拋却中原渾不問。微管其如。
被髮歎。江左諸君英絕。慘澹魚龍風雷怒。算神州到底難合。誰隻手補天缺。

浪淘沙

臨刑絕命

落魄少年場。說霸論王金鞭。玉轡拂垂楊。劍客屠沽連騎去。喚取紅妝。歌
笑酒罇旁。筑擊高陽彎弓醉裡射天狼。瞥眼神州何處在。半枕黃梁。

又

成敗判英雄。史筆臃興吳霸。越事匆匆。畫墨凌煙能幾個人。虎人龍。雙
鬢刊作酒杯中。身世萍蓬。半窗斜月透西風。夢裡邯鄲還說夢。驀地晨鐘。

刊

行

卷三終

吳長興伯集卷四

東湖遺文

吳江吳 易日生原著

邑子陳去病佩忍編校

文

恢復中興末議

去病案公成是議即于乙酉春初渡江上之史閣部時閣部方開館禮士遂奏授公職方主事為己監軍

易自告假北歸。讀書湖上。驚聞弑逆。五內崩摧。願備一卒之列。荷戈前

驅。勤亂賊。以報大讐。死可不恨。而草莽孤臣。呼號無路。僅著恢復中興

末議四篇。冠中興以恢復。以為有恢復而中興之業。克稱光大。按之往

古。揆之當今。稍稍具有崖略。嘗觀宋建炎紹興事。憤懣泣下者數矣。使

其時以李綱為之相。岳飛為之將。專權久任。經略數年。而無以讒奪之

其功烈。豈出漢建武下哉。先儒云。人定可以勝天。所極望於謀國者

一曰。聲大義以作恢復之氣。蓋春秋之旨。大復讐。史外仇而嚴討賊。諸葛亮

亦云。漢賊不兩立。王業不偏安。誠以君父之讐。史外仇一日不報。則史外脫

凡為臣子。憤恨愧恥。無一日可以即安。且大義不明。人不知有君父。則無以立國。雖欲苟且偏安。而有所不得也。先帝英明恭儉。勤求治平。而猝史外至

覆敗。實前古所未有。究其禍原。則一十七年當局諸臣。誤國之罪。不可辭也。

以門戶為安身。而不知事功之為何物。以苞苴為立命。而不知節義之為何

事。有具文史外作而無實政。有議論而無成功。文臣愛錢而委用債帥。武臣

惜死而坐擁史外作驕兵。以至國俗囂頹史外無。人心陷溺。拜手而處賊庭。覩

顏而受僞職。土崩箠掃。誰實厲階。良由此等胸中久無君父。久無廉耻。故史外

脫故也。今幸聖主中史外作重興。保有南服。此天心之所祐助。祖宗神靈之所

想望。蓋在討賊復讐史外作。再拓史外作。疆宇開數百年。太平之基。非謂因循江

左。偷歲月之安。如東晉南宋故事也。我二祖創基。重開華夏。列宗圖治。遠

邁漢唐。而十陵園廟。寂寞塵沙之鄉。先帝梓宮。荒涼榛莽之地。興思及此。痛

絕。忘生向日聞變之初。見諸生父老。無不感泣哀涕。史外作涕竊謂東南

泣哀感

之人心未死社稷之興復可期而兩月以來義聲未舉恐天下人心自此廢

然。抄本脫然字今據史外補而不可振作也天下有忠臣義士報君死抄本思國之氣有

英雄豪傑作事建功之氣二者當及其鋒而用之使天下感發而興起故進

可圖敵而原鈔無退可立國忠臣義士之氣無以用之則日就消靡英雄豪

傑之氣無以用之則渙散而不可收拾此安危成敗之關不可忽也所願廟

廷之上念篡逆之大讐史外仇思恢復之至計臥薪嘗膽存越國之憂勞布衣

帛冠法衛公之儉約君臣歡洽合堂廉爲一體文武戢睦視軍國爲一家人

人有枕戈飲血之思時時有厲兵秣馬之志身且不有有於苞苴家且不

有有於門戶門戶消而後職業可舉苞苴絕而後功罪可明死節者厚其

優恤從逆者速其刑誅綱紀粗張經綸略定亟下哀痛之詔預卜誓師之期

選將練兵進據形勝逆賊之首不旋踵而原鈔無可致於闕下矣或謂時方

積弱大舉爲難則甚不然昔少康以一旅之師討滅寒浞而祀夏配天光武

騎牛從軍。以羸卒三千。破尋邑百萬。卒興漢祚。蓋其君臣之間。立志既堅。區畫素具。鼓動拔起。以乘天下之氣。用能以少破衆。變弱爲強。况今疆土尙居天下大半。而財賦不乏。人力繁庶。較之少康光武。倍且什伯。誠能舉而用之。則風馳電掃。廓清六合。非難致之事也。事在不疑。顧力行何如云爾。

二曰明大勢以爭恢復之幾。史外機蓋歷考創業中興之主。必先度形勝。史外勢

以史外脫據抄本要會故上之有史外奏驅除之功。而次亦不失固守之策。東南

形勢。雖倚長江爲險阻。然自古守東南者。未有不守兩淮。與荆襄者也。兩淮

者。江表之藩籬。荆襄者。上流之門戶。舍藩籬而保牆垣。棄門戶而扃堂奧。雖

在至愚。知其無濟。孫吳之與史外曹魏。百戰於合肥濡須之地。而以荊州分

裂。晉卒併吳。史外焉其原鈔無六代之勢。僅曰偏安。然以悍如石勒。盛如符堅。

強如宇文拓拔。卒不能跨江南以有尺寸者。以強藩巨鎮。皆在淮南。荆襄間。

原鈔無故也。南唐李氏。所以能都建康者。以有淮南。及淮南爲周世宗所并。

史外作併遂有豫章之徙。宋之南渡也。先後有劉錡韓世忠原鈔作岳飛孟珙諸

人。擁重兵於兩淮襄漢之地。而孟珙亦曰。襄樊為朝廷根本。非甲兵十萬不

足分守。後伯顏兀朮阿鈔作之兵。竭死力以攻襄樊。襄樊破而後順流南下。而

宋事遂不可支矣。此皆已事之明鑒也。以今日之勢論之。則荆襄為尤重何

則。逆闖巢穴。盤踞史外據關中。則賊之伸足南向。狼奔豕突。道必出此。而我之

王師大舉。史外奉辭伐罪。道亦史外必出此。是我得之可以圖賊。賊得之可

以圖我。實為必爭重地。而我未能據而有之。我未能有而賊亦未聞為集兵

堅守之計。乃天之留此都會。以開我中興大業者也。逆闖游魂。且夕銷史外

滅。又恐他有傑雄史外者。襲迹而動。據形便以蹂中原。習水軍于漢沔之

上。放舳艫于武昌夏口之間。我將何以禦之。是故審廟算而定規模。必以恢

復荆襄為第一著。夫荆襄背控河洛。側睨淮蔡。包絡關陝。襟帶吳蜀。沃野千

里。有可耕之士。奇材史外劍客。有可用之人。地形四達。有可戰可守。可縱可

橫之勢。從古英雄之所力爭而恃以爲混一之資也。乃所謂恢復者。務爲恢

復之實。而無務爲恢復之名。何謂恢復之名。原鈔脫此六字。據史外補。驅烏合之兵。入

殘破之境。紀律素未嘗明。饋餉又苦不足。賊去則進。據空城。賊來則望風退

史外奔潰。雖得連史外聯城。數百何所用之。不惟無益。適足以喪師糜餉而已。何

謂恢復之實。選良將。聚精兵。以招徠安集。史外輯爲先圖。以耕屯守禦爲實事。

據一城。則不使一城之復破。立一堡。則不使一堡之復隳。以客爲主。以逸待

勞。得寸守寸。得尺守尺。俟史外待神氣充實。邊面堅牢。史外聯絡兩淮。共圖

進取。如網之在史外作有網。如農之有畔。可以指掌計畫。可以歲月責成。所云坐

而言之。起而行之。史外作起而行。有斷然者。

三日。定大略。以收史外作取恢復之功。蓋控兩淮。據荆襄。而漸圖搗勦。必得重兵。

三四十萬。即力不能遽增。史外作舉最少。非二十萬不可。今郡邑之兵。可用爲守

禦。而不可用爲馳驅。諸鎮之兵。可用爲聲援。而不可恃史外作用爲進取者。史外無者。

何也。積弱積玩。積驕積惰。雖有周亞夫李光弼。不能徒手而遽。史外無變

其俗也。驅市人而戰。卽韓信之用兵如神。不得不置。史外致之死地而後勝。則

兵非素練。不可用也。史外無也明矣。爲今急計。莫若精擇大帥三人。才兼文武。

忠義根心者。使之分道募練新兵。所募之兵。必須絕力。或挽弓二三。原鈔脫三字據

史外補百斤。或提石七八百斤。史外脫此句膽勇信實。三者俱備。方爲及格。其偏裨

頭目。亦聽大帥自行選用。一切兵法陣制。大帥教偏裨。偏裨教頭目。頭目教

兵。齊之以束伍之令。申之以上下保結之法。精之以步伐擊刺。旌旗金鼓。分

合奇正之數。盛甲器械。向之鈍敝。不中法者。自行製造。營陣部曲。向之虛花

不可用者。自行操演。訓練勤習。比及期年。萬人一心。動如指臂。平時則有極

重之餉。勝敵則有極重之賞。違令者。史外無字則有極重之罰。此軍一成可以

虎視中原。前無橫陣。後無驕兵。原鈔脫去無驕兵三字唐之銀槍宋之背嵬

我明之陶家軍是也。由是特遣三師。史外作帥分屯江北。其一屯駐襄陽。勒兵五

萬。賁以收復充濟津門河間等處。其一屯駐廬安。史外作廬安勒兵五萬。賁以收

復東昌大名廣平順德等處。其一勒兵十萬。收復荆襄。招集流亡。部勒壯健。

興屯種以爲久駐之基。築堡砦。史外作寨以爲清野之計。史外作具辟用土豪。廣布間

諜。來歸者。給以土田。內應者。予以官爵。積粟通商。訓民養士。使家計牢固。轉

屯進。築唐鄧汝潁之間。中州故地。亦可漸次收復。勁兵駐札於外。老弱力耕

於內。如羊祜張全義故事。省調發之勞。息轉輸之困。以地養兵。以兵擴地。地

益廣。餉益多。而兵益強。如是。則原鈔無賊之門戶失。而我之藩籬固矣。長淮

一帶。古有箸史外作芍陂洪澤諸屯。素稱膏沃。亦當一概舉。行。使富強之勢。東西

聯絡。大江以南。坐有泰山四維。原鈔無四維二字之安。其視沿江列戍。與敵共險。

處處可渡。日日可至者。相去何如哉。當是時。大合諸路。原鈔無路字軍聲罪西

討。令淮南兩帥。由真保趨山西。以擊其左。移檄四川將帥。大徵土洞諸蠻。出

漢中扼鳳。以擊其右。西北鎮將。襲延安搗林。以截其後。荆襄自大徵句至此史外脫去

大兵出盧氏。抵潼關。指淆澗。以衝其中。我則四面合勢。賊則首尾並蹙。史外

釜魚穴鼠。指顧就擒。然後告成。列聖之廟。獻馘大行之靈。洒掃山陵。修治京

邑。此真中興之盛事。而臣子之畢願也。唐莊宗受晉王三矢。其後卒繫燕父

子。函梁君臣首。而還矢于先王。申史外無包胥與伍員論志。誓必復楚。其後

痛哭秦庭。乞師而反。卒如其志。彼皆以敵國之讐。史外仇一人之誓。而有志必

伸。有言必踐。若此。若乃奮天朝之神威。殛弑逆之逋賊。名正勢順。何疑何畏。

史外作異非。而不圖再造之功。徒鬱鬱居此。為左支右吾之下策哉。進退得失之

數。瞭然可觀矣。

四曰固大本。史外作以立恢復之基。蓋原鈔無自古戰守攻取。有一定之局。

欲保固江南。則必開拓。史外江北。而開拓。史外江北。又必先保固江南。相維

之理。不可易也。漢高祖以關中為根本。故能東向與西楚爭衡。光武以河內

為根本。故能掃赤眉。翦囂。述。史外逆而興劉氏之業。唐肅宗以靈武為根本。故

能滅安史而收兩京。不固其本而徒事喜功好大之為。則如元嘉之北伐。宣和之圖燕雲。不惟無功。而且有大患。金陵創業之地。德澤浸於人心。且山川

雄厚。物力充物。

原鈔作暢非據史外改正

此。皇上經營海宇。深根固本之所在也。固

本之策。大約有四。一在飭吏道。一在行保甲。一在儲倉粟。一在練水師。語云。

得一賢令。勝於勁兵三千。得一賢守。勝於勁兵三萬。言其職最親民。消患弭

亂也。今吏道日衰。良

史外皆作

由源史外原未清。綱領未振。源史外原

史外原本者何。銓選

之路是也。綱領者何。撫按之權是也。但使銓選至公。不至驅外吏而為貪黷。

則源本既清。而又精簡。撫臣假以重柄。賢能者聽其辟舉。不稱者立行罷黜。

其最不肖者。

原鈔無者字

則以國初之法懲之。其勤績顯著。例當陞轉者。由令而

守。由守而司道。由司道而撫使之久處其地。不致傳舍其官。威惠孚洽。利弊

周知。自有吏習民安之効。

史外作效

又邇來設官之多。倍于

祖制。官多則多供

億之害。多迎謁之害。多文移牽制史外作製之害。多吏胥奸蠹之害。宜考會典。大

行裁減。部科添差者革。司道閒緩者革。佐貳猥雜者革。即按臣亦宜間歲一
差。使撫臣得以專心課吏。而有司以得專力治民。是法也。李泌行之于唐。李
綱行之于宋。非臆見也。夫吏道不荒。有司勤職。則行保甲儲倉粟。自可不勞
而辦。而史外無保甲之法。始于管子。先臣王守仁十家牌法。卽其遺制。可以
練鄉勇。可以禁盜賊。可以預城守。可以定賦役。可以省獄訟。可以厚風俗。間
察其奸猾敗羣者。置之重典。則小亂輯而大亂可弭。國家立預備倉。本常平
遺意。平貴賤之價。防水旱之災。極爲良法。原以紙穀贖錢。用充糴本。數十年
來。上下侵漁。蕩然廢史外矣。所以一遇天災。飢饉史外民載路。史外作道民譁盜起。
積漸可憂。宜令大小郡縣。積粟外史脫粟字。各數萬千斛。便可備禦。非常其有
司報績。以前二者。定其殿最。而不以催科簿書爲重。此最救時之急務也。至
於東南所恃舟楫爲長。史外雖措置經營。重在江北。而沿江一帶及腹內地
方。不可不嚴防守。今在籍軍伍。非不足用。所鈔本非慮戰法未諳。技藝

未精。艨艟戰艦未備。所當急勅撫臣。分諭郡縣。各督所在將領。

原抄作命
悞據史外

改製造操演。如荆湖九江上流重處。下而東西梁山。下而太平采石。更下而京口澄江。此皆股肱帝京爲水道要害。尤須加意綢繆。昔曹魏父子相繼臨江。及見波濤舟楫之雄。旌旗戈甲之盛。並皆歎息而返。此豈獨恃水爲阻。亦治兵精整。備禦有方故也。今使大兵碁布於江北。水師星列於江南。表裡相維。邊腹並壯。天下之勢如常。山蛇不出。兩年國勢大張。人心大振。以守則固。以戰則勝。以攻則破。以令則服。恢復中興之功。可躋足而俟也。

與吳次尾書

一別便爾幾載。山川邈長。日月如駛。弟復遘先慈之變。形神俱廢。爲世間棄物。雖性命良友。未暇一通情愫。深山獨坐。惟以圖史自遣。每到古人興亡成敗。及英雄節烈。可驚可痛之事。未嘗不思我次老掀髯快論。一揮却胸中五岳也。近來盟翁所著。千秋之業。未識何等。時藝一道。弟已委之塵土。而摧陷

廓清。反之大雅。使天下知有理體二字。安得盟兄之功。真不出大禹下耶。敝邑人文杰起。並以理學爲宗。與盟翁立教之旨。相爲羽翼。如趙子少文。張子九臨。才皆十倍弟者也。又家侄孫直士天章。馳驟縱橫。相爲上下。今直士游貴地。特囑其問道於龍。望吾兄推知己骨肉之愛。進而教之。名賢之席。廣爲表章。感切感切。弟近與驚羽弘人趙張諸兄。爲南浙合社之舉。專俟大篇。奉爲弁冕。以爲世式。至貴地諸名作。所謂鸞鳳之藪。羽儀所集。祈廣爲徵賜。以便刻日告成。其英異特起。亦望列示。吾兄何時到吳門。弟當負笈相從。爲數日談。草草附達。不盡所抱。

與葉仲韶書

去病案此書原抄本無之今從甲行日注中檢出補錄于此

武林諸義士來顧行。慕稱說德。義頌歎無極。高風大節。固宜遐邇慕垂。譽千秋矣。但山林嘉尚。獨不念荷戈枕甲之瘁。耶弟血戰經年。大仇未報。軍孤餉乏。救援路絕。憂心如燄。未知所出。若得越中三千君子。軍成犄角之勢。亟

圖進取所大快也聞諸君入山問策魯連先生幸廣引教之無虛彼望

祭貞烈沈女文

嗚呼。天之生人。厥有恒性。忠孝節義。性所自具。綱常之主。重責男子。至性所激。不分婦女。而世之人。卑者溺於利欲。高者役於聲名。淺者戀於形軀。深者牽於學問。有寧為辱生。不為烈死者。有引經據古。曲為通說。文其不死者。有等一死。而迫於事勢。怵於清議。旁皇回惑。不得已而死者。是皆知生之可樂。而不知殺身成仁者之為至樂。知死之可哀。衰鈔作誤而不知亂生舍義者之為至哀。一事隱忍。終身屈辱。卒之身與仁而並朽。生與義而兩絕。嗚呼。沈女。貞烈。性成秉淑。靜以自好。恥強暴之見陵。始截指而若飴。既投環而如歸。嗚呼。貞烈。向使含垢貪生。齷身從賊。靜念斯恥。汗顏刺骨。鳥息禽視。覺羞寐恫。身無百年之壽。心有萬死之痛。孰與一念堅潔。一朝引決。方其手操青刃。頸紓素練。形神慘惻。不過轉盼而命致。志遂心明。性見皎乎白日之光。冽乎秋霜。

之清條條乎江河之迅直峨峨乎崑嶽之崢嶸獨往獨來浩劫不焚氣薄霄
昊魂炳丹青嗚呼孰哀孰樂孰死孰生豈不大章明矣哉惜也其不爲男子
推之事業達之宇宙而得大用其死幸也其不爲男子不役聲名不牽學問
而得真遂其死也大道日喪人心日淪士不聞有體用之學世不見能明能
行之人匪天性之頓泯而實由生死之不明天心悔禍時當篤興法器大拯
下民嗚呼貞烈庶其上請於帝降爲男子將爲天下宰進賢黜奸以清皇路
乎抑爲諫議官犯顏死爭袞職是補乎將爲良將以援枹鼓而殉封疆乎抑
內爲廉吏以銷沴凶而康殘破乎或以伏爲眞儒講學立教以明大道而正
人心乎嗚呼貞烈信乎否乎卽不然其升爲明神結爲雷霆以盡殛此世之
不忠不孝貪淫無恥者使大道不盡喪人心不盡淪乎凡是數者惟貞烈善
擇以自處母以一節爲己至而務擴而充之以復乎性之所備全乎天之所
畀而勉乎人之所棄余快貞烈之死踴躍鼓舞而又不覺歔歔浩歎涕泗交

頤者其哭。貞烈與。其非哭。貞烈與。嗚呼尙饗。

子貢問政 一章

崇禎癸未 去病按此
文係登進士第之作

論政有經。兩商處變而愈知本焉。夫兵食與民信三者不可偏廢也。而要以信爲本。常變之政備於此矣。且君爲民而制之政。政在定民而已。然不究其表裡輕重之序。而惑於常變之勢。則承平無以規久大。而有急輒務爲權宜。何怪乎政之難成也。子貢以通達之才。而深思救時之略。故以政問焉。夫子告之曰。建萬世之經者。必圖其大備。處得爲之日者。尤貴其兼修。食者禮教由興焉。什一荒而鹵頌息也。足之則民氣樂矣。故徹田宜正也。兵者勇義從生焉。竭作煩而棧車賦也。足之則民志固矣。故邱甸宜復也。夫民也。守財而服公。非信勿疑焉。惑於未足之時。必孚於既足之後。至民信之。則王化浹矣。故司徒之教宜先也。論政之表裡相因。有如此者。誠得其時而脩舉之。則天災人患之興。緩急足恃。而至誠惻怛之意。上下交維。由茲長治可矣。安所不。

得已而煩更慮哉。其不得已云者。前此未嘗足且信也。苟不權諸三者。酷烈之使。徒滋敗耳。故子貢再問。而子曰去兵。夫兵寓諸農矣。曷去乎。謂歸遣焉。而專於生聚教訓之務。國猶可爲也。其更不得已云者。前此既無以足之。而復有以敵之也。苟不權諸二者。興利之謀。徒速亂耳。故子貢又問。而子曰去食。夫富藏諸民矣。豈誠去乎。謂效死焉。而作其尊君親上之風。事尙未可知也。且夫信存則雖死猶安。信亡則雖生不立信。又烏可去哉。論政之輕重。有如此者。要之居常則求帝王經制之全。而不以富強傷國。本濟變則原天地綱維之大。而不以苟且敗民性。聖人一論政。而古今治亂亦略盡矣。然非賢者通達國體。亦何能深思而詳發之哉。

刊

行

卷四終

吳長興伯集卷五

附錄

邑子陳去病佩忍輯錄

贈言

賀吳子日生成進士序

吳江趙渙少文

余登東山。上下巖壑。窈窕仰摩。青穹俯拂。白日下視。人世浩如烟海。了不可方。際俄人聲從江上來。天子布令求賢。日生子售。君昌驚幾諸子不售。君昌諸子如是乎。日生子僅如是乎。才名科譽。然歟不然。信歟不信。俱不足爲日生子語也。唯是血流蒼巖。草蔓白骨。天下洶洶。數歲仙真。閱焉洗瘡。瘡而席衽安之。載與本朝。奠數百年。平治非日生子望。而誰望歟。雖然。予因茲有感矣。往者俊傑。命世如躬耕賣畚之徒。輔戴英主。雄制一方。其局易爲。其施卽竟耳。若夫四海鼎沸。頽波橫流。孱書生處之。笑談頤指。卒以無事。古今李鄴侯一人而已。當肅代德三宗之際。強敵悍藩。環顧四起。郭李元勳。偉望倉卒。

莫。可。如。何。鄴。侯。方。且。啖。芋。衡。岳。餐。梨。帝。庭。鎖。骨。珊。然。何。其。閒。也。及。籌。畫。既。定。指。顧。而。海。內。從。之。弭。耳。帖。首。服。不。敢。動。又。何。壯。歟。余。從。玉。霄。帝。所。下。遊。人。間。日。生。子。雄。才。蓋。代。騁。赤。驥。而。揮。電。撫。白。澗。而。落。雲。青。萍。舞。風。綠。沉。點。月。神。觀。壯。甚。獨。其。好。道。餐。霞。雅。興。意。會。數。從。潑。墨。林。晏。養。和。烟。庭。每。抵。掌。秦。漢。隋。唐。廢。興。成。敗。滄。桑。偶。然。互。為。堯。爾。其。意。度。豁。達。固。已。絕。人。遠。矣。今。其。暫。假。還。山。別。廬。湖。左。穉。松。疎。竹。流。水。潺。然。把。觴。微。吟。舉。似。十。三。篇。雄。偉。奇。壯。之。氣。淡。若。無。有。而。人。世。望。之。以。為。東。山。新。野。庶。幾。即。出。豈。無。故。歟。雖。然。余。烏。能。知。日。生。吾。叔。青。邱。子。胸。如。溟。海。智。若。明。月。其。於。古。今。人。情。世。變。朗。朗。然。數。計。之。曩。與。日。生。子。湖。上。從。容。論。辨。有。日。矣。茲。之。連。翩。而。起。也。得。母。所。謂。景。運。昌。而。賢。才。出。而。同。時。共。功。以。開。太。平。者。歟。霞。文。鐫。琬。鴻。篇。賁。鏞。余。將。使。侯。道。華。卷。書。蚪。蚪。簡。副。青。華。奉。為。碧。堂。靈。秘。無。徒。供。塵。士。之。寶。

去病案青邱子名庚字大庚明亡遁為僧

夜飲日生齋中

吳江趙清幼澄

月○色○松○聲○夜○不○孤○天○寒○星○氣○走○平○蕪○橫○秋○健○翻○思○蒼○隼○感○遇○風○人○詠○赤○狐○笠○
澤○波○濤○收○霸○氣○東○湖○煙○草○尚○吾○徒○濁○醪○未○盡○銜○杯○意○醉○後○飄○蕭○興○轉○麗○

吳日生易招同楊維斗夜飲酒閒論事有感八月廿貴池吳應箕次尾

清○夜○招○携○更○幾○人○一○庭○寒○月○敞○城○闈○同○時○恤○緯○心○原○素○卜○宅○開○尊○意○自○傾○驚○
座○孟○公○秋○入○轄○尚○玄○楊○子○草○為○鄰○酒○闌○莫○問○文○章○事○敢○謂○吾○衰○尚○有○陳○

上吳侍郎陽去病案此詩見亭林全集易刊作陽姑從之崑山顧絳寧人

烽○火○臨○瓜○步○鑾○輿○去○石○頭○蕃○文○來○督○府○降○表○送○蘇○州○殺○戮○神○人○哭○腥○汗○郡○邑○
愁○依○山○成○斗○寨○保○水○得○環○洲○國○士○推○司○馬○戎○韜○冠○列○侯○師○從○黃○鉞○陣○計○用○白○
衣○舟○曹○沫○提○刀○日○田○單○仗○鍤○秋○春○旗○吳○苑○出○夜○火○越○江○浮○作○氣○湏○先○鼓○爭○雄○
必○上○游○軍○聲○天○外○落○地○勢○掌○中○收○征○虜○投○壺○暇○東○山○賭○墅○優○莫○輕○言○一○戰○上○
客○有○良○謀○

哀誄

吳江野哭

華享夏

復

存古

一刊

行

江南三月鶯花嬌。東風繫纜垂虹橋。美人意氣埋塵霧。門前枯柳風蕭蕭。有客扁舟淚成血。三千珠履音絕塵。曉氣平連震澤雲。春風吹落吳江月。平陵一曲聲杳然。靈旗慘淡歸荒烟。茫茫滄海填精衛。寂寂空山哭杜鵑。夢中細語曾聞得。蒼黃不辨公顏色。江上非無弔屈人。座中猶是悲田客。感激當年授命時。哭公清夜畏人知。空聞蔡琰猶堪贖。便作侯芭不敢辭。相將灑淚銜黃土。築公虛冢青松路。年年同祭伍胥祠。人人不上要離墓。

過東湖故居

吳江朱鶴齡愚菴

斯人不可作。門巷老翁迷。惟有緋桃色。年年發故枝。

八尺

去病案此詩似弔孫吳而作故列之于此

崑山

顧

絳

寧人

八尺孤帆一葉舟。相將風水到今秋。曾來白帝尋先主。復走江東問仲謀。海上魚龍應有恨。山中草木自生愁。憑君莫話興亡事。舊日長年已白頭。

過長白蕩弔吳節愍公易

吳江殷增東溪

陣雲高不落。擊楫易悲歌。空有當車臂。難揮挽日戈。愚忠當世少。清節一門

多。公被執時妾阿香從以死自守諸帥皆敬禮之後何似幽棲者空

山老薜蘿。釋歸終老柳胥故里從子鑑亦以語言憤激致死何似幽棲者空

集評

遂初堂集

吳江潘耒稼堂

惕齋以孤臣烈士殺身成仁其發為詩歌慷慨激昂不作錚錚細響者由其
養吾浩然深也

靜志居詩話

秀水朱彝尊竹垞

啓禎之間風雅陵替古風尤置不講日生奮迹松陵誦六公詠原本杜老八
哀之作是時第知臥子有起衰之功然臥子豐縉日生成削各有其長

柳塘詞話

吳江沈雄柳塘

明季惕庵。西郊較射。使讀其東湖雜感云。深宮醉舞夜。敵國臥薪時。想見其有心斯世。惕庵服上刑。武林僧名敬然者。乞遺骸於張撫軍。葬菜園中。爲位哭之。歲時供以麥飯。猶傳其浪淘沙絕命詞。成敗論英雄。史筆朦朧云云。

傳記

松陵獻集吳易傳

吳江 潘樞章 力田

吳易。字日生。曾祖山。自有傳。祖邦楨。字子寧。嘉靖三十二年進士。除刑部主事。進郎中。擢湖廣按察使。時荆襄大水潰堤。堤亘七百里。邦楨出贖。緩補之。如故。龍潭蠻黃中。據施州爲梗。楚蜀間咸受其害。又土西董宇恃險遠焚掠。邦楨一以撫。一以討。功尤著。忌者沒之。僅賞金綺。遷甘肅行太僕卿。尋改陝西。致任卒。易少有才名。負氣矜奇。兼好兵法。通任俠。雅不欲以經生自見。間爲詩文。傳誦士林。非其好也。崇禎十六年成進士。會北都失守。易感憤作恢復議四篇。洞晰形勢。史公可法督師淮揚。薦爲兵部職方司主事。監紀軍前。

馳驅戎伍。甚有勞績。乙酉夏督餉吳中。聞南都之變。與同邑孫兆奎沈自炳等。號召舟師。屯湖蕩間。結柵自固。然兵皆烏合。寔不堪戰。被襲夜潰。兆奎被執。易僅以身免。父承緒。妻沈氏。並遇害。時浙東兵起。易乃收集潰散。遙爲聲援。遂擢兵部侍郎。尋有梅墩之捷。晉兵部尙書。封長興伯。未幾。江上兵亦潰。易單舸走嘉善。被獲。送之杭城。見殺于草橋門。年三十五。亡子。妾阿香。故妓也。同時被掠。以死自守。諸帥皆敬禮之。後得釋歸。老于柳胥故里焉。去病案力田撰

獻集極典。暇有法如此。傳雖簡短。然敘次整練。不見枯寂。斯文之能事具矣。顧以史禍畢命于杭州。弼教坊去草橋門。咫尺英風。毅烈與吳公。後先相輝映。喻已棄疾。按他書皆作長興。諱易。此獨作易。疑不合。然力田乃邑人。爲時又近。不應有誤。或當時寔有二諱歟。

松陵獻集孫兆奎傳。去病案是傳。是與公事互證。故特錄焉。

孫兆奎。字君昌。從龍曾孫也。祖履恒。習兵家言。兆奎能世其學。崇禎九年。與吳易同舉於鄉。相得甚歡。已遂同起兵。長白蕩。未幾兵潰。被執。至金陵。見大帥。挺立不屈。大帥故降臣也。兆奎以大義訶責之。其人羞愧。不能答。遂殺之。

臨刑賦詩見志。顏色不變。發潛錄曰。兩君舉事。號召之遠。聯屬之衆。則孫不如吳。臨事之慎。赴義之烈。則吳不如孫。吳在軍中。每置酒高會。孫勸其節飲。且以謹斥楯爲戒。吳不能用。竟坐是敗。是時邑人沈自炳、吳鑑、徐鑛、呂雲、孚、沈約、朱旦、陳宗道之流。仗義而死者甚衆。不可勝紀也。

吳江縣志節義傳

吳江 沈 彤 果堂

吳易字日生。尚書山曾孫。居二十九都。少有才名。負氣矜奇。兼好兵法。通任俠。雅不欲以經生自見。閒爲詩文。傳誦士林。非其好也。崇禎十六年。成進士。不謁選而歸。明年。聞北都失守。易感憤。作恢復議四篇。洞晰形勢。福王立。謁史可法於揚州。可法異其才。薦授職方主事。監紀軍前。甚有勞績。去病案公在甲申冬盡乙酉春正之際觀北征小咏諸作可證也明年。督餉。此言在福王初立時者非陳獻青本之此所以兩失也吳中未還。而揚州失。已而吳江亦失。遂與同邑孫兆奎、沈自炳、自嗣等。號召舟師。聚衆數千人。復吳江。遣人守之。屯軍長白蕩。諸書並云長白蕩。明史因之。按施世傑孫烈士

傳云屯兵大漾今土人名老軍蕩以出沒五湖三泖間嘗一攻郡城不能入大兵來討易用計沈其舟獲勝時部郎王期昇吳景璽等奉通城王朱

盛徵起兵西山克長興居之兵不甚強皆倚易為助唐王聞之授兵部右侍郎兼右僉都御史總督江南諸軍事楊文驄奏易斬獲多進為兵部尚書魯

王亦授易兵部侍郎封長興伯官爵並本明史在乙酉年而獻集及殉國彙編並繫復起兵之後在丙戌年獻

集云時浙東兵起易乃收集潰散遙為聲援擢兵部侍郎尋有梅墩之捷晉兵部尚書封長興伯彙編云丙戌春易復集水軍一旅有周

瑞者善鳥銃與陳繼俱隸易營三月二十三日巡撫土國寶遣副將汪茂功統兵八百來攻易檄瑞殲之思文褒其功擢兵部侍郎副都

御史爵忠義伯先是魯監國亦遣使擢易兵部尚書封長興伯二書皆邑人所紀而紀年並與明史異即官爵亦互有不同故附注於此

以備八月總兵吳勝兆以舟師至易出戰塘口復獲舟二十次日大雨不設

備為大兵所襲大敗父承緒妻沈氏及女皆投水死易子身走一軍盡殲明

年易鄉人周瑞等後瑞以復聚眾長白蕩迎易入其營巡撫土國寶遣副

將來討為瑞所敗八百人皆死軍聲復振其秋易至嘉善與職方倪撫合營

國粹叢書

吳長興伯集

二十七 一國學保存會

集飲孫璋家。偵者知之。大兵猝至。易被執。至杭州。總督張存仁。甚重易。館於署舍。勸以官。不應。勸以薙髮。不許。曰。然則祝髮。僧服乎。乃聽之。然卒不屈。存仁表於朝。命下。戮於杭之草橋門。將戮。易北面再拜。曰。今日臣之志畢矣。時年三十五。無子。妾阿香。同時被執。以死自守。諸帥皆敬禮之。後得釋歸。老於柳胥故里。

本明史獻集戴笠殉國彙編黃宗羲實錄鈔溫容臨逸史周廷諤吳江詩粹

吳兵部傳

附孫兆奎等

濡須

汪有典

起謨

公諱易。字日生。吳江人。崇禎癸未進士。授兵部職方司主事。甲申三月。賊陷京師。烈帝崩於亂。五月。南都立君。久之。宴然。無有為先帝討賊者。公發憤。上中興四議。云議上不省。監史閣部軍於揚州。奉檄徵餉江南。未還。而揚州失。南京亦不守。公走太湖。與同邑舉人孫兆奎。諸生沈自炳。自駟。武進吳福之等。謀舉兵。旬日得千餘人。屯於長白蕩。唐王授兵部右侍郎。兼左僉都御史。總督江南諸軍務。進兵部尚書。是時魯王在浙。亦授兵部侍郎。封長興伯。

八月大兵至。公敗走。父承緒、妻沈及女皆投水死。自駟自炳。福之亦死焉。兆奎被獲。一軍盡殲。明年鄉人周瑞復聚衆長白蕩。迎公入其營。未幾衆潰。公匿嘉善錢氏園中。日夜酣飲痛哭。不發一言。爲邏者執送武林軍門。諭降不從。磔於市。福之吳公鍾釐子也。兆奎兵敗時。慮公妻女被辱。視其死而後行。故被獲。械至江甯死之。汪有典曰。嗚呼。甲申之變。南都建國。雖甫匝月。而君荒臣奸。蘖芽已見。腹心肘腋之患。國之所以危亡也。公四議略不一。及何耶。抑以所謂疾急治標。勢固不暇早計耶。論者謂公舉事爲江南一大劫。流毒十年。漸次勦滅。嗟乎。此豈公之罪。然卽歸公首惡。其亦奚辭也。公中興四議。予得之友人敝篋中。因備錄於篇。悼公志之不遂。並以著其略。益知公之崎嶇舉事者不徒也。

南疆逸史列傳十五

烏程 溫睿臨 晒園

陸世鏞。字兆魚。以財雄于陳湖。會國變。散財募士。保障鄉里。湖旁諸生沈自

徵輕財任俠亦知天下有變造漁船千艘于湖自徵死其弟中書舍人自炳收其船以集兵主事吳易因之以起易字日生吳江人崇禎癸未進士不謁選而歸弘光立謁史可法于揚州可法奇其才授職方司主事叅軍淮上乙酉奉檄督餉未復命而南京不守六月大兵徇吳江縣丞朱國佐以城降有諸生吳鑑者字子儀欲起兵誅之會黃蜚兵至無錫鑑大喜徒手入縣庭罵國佐國佐執送蘇州州守詢其黨與鑑抗聲曰孔子孟子張睢陽顏平原是也何問爲殺于胥門易聞而憐之起兵擒國佐授其父汝延令殺以祭鑑于是舉人孫兆奎諸生華京吳旦等皆募兵至以水師千餘人屯長白蕩出沒五湖三泖間多所殺傷大兵之初至也未習水戰易使部卒習水師者雜農民散處湖畔大兵掠民舟以濟劫人操之前散處者來操舟共棹至中流猝鑿沉之溺死者無算是時部郎王期昇吳景廩等奉通城王朱盛徵起兵西山克長興而居之然兵不及易之強故皆依易以爲佐東浙授公兵部尙書

封長興伯。閩亦授兵部侍郎。兼副都御史。忠義伯。八月。總兵吳兆勝。以舟師至。旣敗葛麟。盧象觀等軍。引兵追易。二十四日。出戰塘口。獲敵舟二十。次日大雨。不設備。爲大兵所襲。大敗。易子身走。父承緒。妻沈氏及女。皆溺死。一軍盡覆。華京先驅妻子入水。格殺數人。卒繼之。子與搏戰。相持溺死。沈自炳與其弟自駟。及趙汝珪。吳旦等。皆戰死。自炳字君晦。自駟字君牧。汝珪字子玉。旦字爾赤。京字壯輿。皆諸生中之有志行知名于時者也。孫兆奎。兵敗將走。念易妻子在軍中。恐被辱。視其赴水。然後行。遂爲追兵所獲。至江寧。見總督洪承疇。大言曰。先帝時。有一洪承疇。督師敗績自死。封疆先帝親祭而哭之。今又一洪承疇。一人耶。兩人耶。承疇曰。汝無問一人。兩人也。汝自爲一人。事耳。驅出斬之。時義旅四起。多肆劫掠。惟世鑰毀其家。以集衆。禁部下不得妄掠。一錢犯者必死。故其軍獨靜。後知事不成。爲僧去。明年春。吳江人周瑞。復起兵屯長白蕩。汪副將討之而敗。八百人皆死。軍聲復振。遂迎易入營。集飲。

友人孫璋家。偵者知之。引大兵猝至。易與曼青並執之。

去病案曼青當作曼倩蓋卽倪撫別

也。殺于杭州草橋門。孫璋父子亦死。易部將茹文略餘姚人。字振先。驍勇善

戰。少從軍長興。爲千夫長。浙西旣降。文略遂携壯士十餘人入太湖。從徐雲

龍破長興。戰屢有功。雲龍死。乃歸易。易優禮之。奏授總兵。每持長矛陷陣。易

八月之敗。文略手刃數十人。身亦被十餘創。血盡而仆。兵猶疑其佯死。數刃

之大兵去。稍甦。捧其頭而走。至尋溪。休于野廟。視見而識之。曰。子非茹某

耶。持之而泣。傅以良藥。百日始愈。間行至長興。訪母妻子。皆遇害矣。丙戌正

月。又從軍于麻湖。與大兵力戰。所殺過當。援絕而亡。其將周志韜突圍出。收

餘衆自保。魯王遙授參將。明年夏。兵敗。赴水死。

其與易同起兵。太湖者。有李總兵。失其邑里名字。而諸生任源遂吳福之。徐

安遠等皆附焉。源遂深沉有大略。見所在起兵。因往來諸寨。求可與成事者。

皆不稱意。喟然嘆曰。天下事遂無可爲乎。我視諸軍皆兒戲耳。家居久之。福

之起兵。約與之就李氏于青城柵。福之字介公。閩中禮部尙書鍾櫛子也。鍾櫛在閩時。時以書戒其子。無負忠義。至是與李合軍。與大兵數戰。李氏兵潰。自刎。源遂被執。至漂陽。當事命之跪。源遂曰。若非明臣耶。見我不愧死。而尙欲屈我乎。當事曰。子年尙少。盍少待之。源遂曰。汝唯有待。故至此。余何待。遂死。福之自書其衣曰。我生不辰。遭此兵燹。從李覲王冒險。不避血戰。三月誓死。不二再舉。再克全軍。失利公既成。仁我亦取義。不揣小子。敢附斯意。投湖而死。安遠字世脩。武進士。兵敗被擒。不屈見殺。妻楊氏。妾惠香。皆死之。

南疆繹史摭遺

烏程

溫睿臨 晒園

香娘吳人。爲故兵部職方主事吳易姬。易自太湖兵敗。殉於國。全家盡節。惟香娘爲官軍所獲。求死不得。主者欲收之。充下陳。香娘泣曰。我相公每飯不忘故君。妾亦何忍負之。必欲見辱。有死而已。主者肅然起。淒然不忍。加以刃。遂聽其所之。香娘本金閨名。下妓。艷於姿。而工詩。於是入一艸庵。削髮潔身。

以老。

吳節愍公家傳

吳江陳壽熊子松

吳節愍公。名易。字日生。吳江柳胥里人。其先出渤海。始居吳江者。曰全孝翁。璋。生少保洪。少保洪生尙書山。尙書山生某。某生諸生承緒。公之父也。公母沈。夢日而生公。少有膂力。爲文章。長于議論。甫弱冠。卽掛名復社中。顧跡弛不羈。好兵法。通任俠。不屑以經生自見。崇禎十六年。中進士第。不謁選而歸。明年。李自成陷京師。福王立南都。公感憤。作恢復中興末議。以干史閣部于揚州。其言謂不恢復。不足爲中興。恢復之要在亟伸復仇大義。以收民心。作士氣。固守金陵。据荆襄以圖天下。郡邑之兵。可以守禦。不可以馳驅。諸鎮之兵。可以爲聲援。不可以進取。必若進戰退守。非募精兵二十萬不可。他如清吏道。汰冗員。耕屯保甲之法。所以固恢復之本者。皆中窾。邵然史公已不得內用。雖奇公才。無所試。第奏授兵部職方司。爲己監軍。又明年。去病案上書徵餉皆

乙酉春夏間事
此分作兩年悞

公奉檄徵餉江南未還。而揚州失守。乃與秀水諸生周耀始謀守吳江城。陷。耀始死之。公走太湖。與同縣舉人孫兆奎諸生沈自駟自炳。武進吳福之等謀舉兵。旬日得數千人。殺縣令朱廷佐。屯軍長白蕩。大兵至。公用奇計。沈其舟。一攻郡城不能入。游弈旁近諸縣。江浙之道以不通。當是時。唐王立閩中。魯王走據海南。部郎王期昇吳景亶等奉通城王朱盛徵起兵西山。克長興居之。長興兵弱。倚公爲聲援。唐王聞之。遙授公兵部右侍郎。兼右僉都御史。總督江南諸軍事。魯王亦遙授公兵部侍郎。封忠義伯。所部兵悉著白抹額。人呼爲白頭軍。與大兵戰于梅墩。楊文驄奏公斬獲多。晉兵部尙書。封長興伯。收集潰散軍勢甚振。是年八月。總兵吳兆勝以舟師來討。公出戰塘口。獲舟二十。相持不解。會明日大雨。不設備。爲大兵所襲。公子身走。父承緒。妻沈及女赴水死。自駟自炳福之皆死。兆奎恐公妻女被辱。視其死而後行。故被執不屈。死餘黨。或死。或走。軍遂散。又明年。公鄉人周瑞復

叙衆長白蕩。迎公入其營。三月十三日。巡撫土國寶。遣副將汪茂功來討。公遣瑞禦之。瑞善用鳥銃。茂功所帥八百人死傷略盡。公旣小勝。則又將聯浙西。以八月至嘉善。與職方倪撫合營。會飲孫璋家。偵者知之。大兵猝至。公被執。至杭州。總督張存仁甚重公。館于署。勸以官。不可。勸以薙髮。不可。曰。然則髡首。緇衣乎。乃聽之。然卒不屈。存仁表于朝。命下。戮于杭之草橋門。臨刑北面。再拜曰。今日臣之志事畢矣。于是公年三十有五。無子。獨有一妾。曰阿香。與公同被執。公旣卒。矢死自守。諸帥皆敬禮之。後得釋歸。以族人子某爲公後。乾隆四十一年。錄勝國殉節諸人。咸予祠祭及諡。而公得諡節愍。所著有富強要覽。客問十三篇。藁佚不可得。今存詩文詞各一卷。中興末議在其中。公之始起事也。自駟自炳。歸自史公墓。先是自炳兄自徵。知天下將有變。造漁船千艘于湖。公收其船。以集兵。自炳造箭艘。募水卒。立別營。與公相首尾。蓋藉沈氏之力爲多。自駟好大言。其在揚州。謂史公躬細務。遇人媼。非戲。

亂才去之歸。既就公。以公不謹斥候。數置酒高會。數諫不聽。輒仰天慟哭。而公亦遂敗死矣。

論曰。方大兵徇吳江。縣令林媚走歸閩。朱廷佐以縣丞。獻册籍軍前。得視縣事。公族子鑑。徒手入縣廷。罵廷佐。廷佐執送郡。以爲叛也。郡守問黨與爲誰。曰。張睢陽顏平原岳武穆方正學皆是也。問頭目爲誰。曰。孔子孟子。守怒。繫之獄。未幾被戮。故公起兵。卽斬廷佐頭。以祭鑑。蓋其一門之中。感激輕死。類如此。抑亦明季頹敗廉耻道喪。物極則反。忠義之在人心。自不可遏。而如公等者。又其魁傑。歟。觀公論天下事。馳騁上下。法度。斬斬其學問。類有本末者。屢困而屢不設備。亦冀速得死所而已。豈必謀之不臧哉。

甲行日注

吳江 葉紹袁 天寥

丙戌五月初二日記云。武林四友。爲吳孫尼名思沈倜名錫臣名綸沈寶臣名鑛士蔣

佑名文嗣名翌皆執弟子禮。北面門下。云同事三十餘士。已設壇插盟艸澤中。三

千人可一朝嚮集。但乏甲仗餼糈。故來相計。已先謁吳司馬日生矣。廿九日
 至山。余適往潭東。假館接引菴俟焉。人皆疑之。戶外屢而詰者。聲相錯也。不
 得已。告以候余之故。乃皆釋然曰。既爾即正人也。夫復何疑。余不敏。何修得
 此于衆人之口哉。去病案原書于是日尙載小史凌理賤奏一通有
 云二十日皋亭山德謙同青衿四人特來拜訪云
 有要語商之理留宿園館酒蔬之屬勉力苦支而已然則
 武林四友或先至汾湖迨因不值乃更入山相商議耶

又

六月十七日記云。山中遙傳曰生凶問。初未敢信。理云。營中人言確矣。夏至
 日。曾爲撰著。遇大壯之夫。六五。喪羊于易。今未月也。易則其名。異哉。

叙跋

湖隱外史戰功篇敘

吳江 葉紹袁 天寥

宋之南也。楚蜀樊鄧間。皆爲盜藪。惟河東河北。著忠義之稱。結山水之社。然
 所以破金人者。有宗留守岳招討爲之統帥也。茲者南都失守。吳會塵擾。義

師分潰士棄同仇之戈正朔再更人失。本朝之望汾湖一旅屹然勅敵軍。无楊僕之將營非王濬之旗未習昆明之池莫諳露橈之制以百夫之烏合。指周瑞爲肆伐之鷹揚丙戌三月二十六日之役怒氣翻波呼聲礮野持弓矧兇發矢貫鬲追北至龐山湖四十里殺獲二千人斬其渠魁遁去者二三十人而已水流盡赤草腥不綠兵威禡其三繫崇名振于七郡豈如赤壁故壘終藉火焚益州樓船徒徼風利哉紀戰功弟二十。

湖隱外史義贄篇叙

分湖一戰威稜赫赫然周瑞一壘上耕傭崛起草澤不能制置護軍也又未有朝廷位號時吳司馬秋間兵潰屏影杜響瑞等訪求得之于是設壇建旗祭纛蒞盟器仗鮮明部伍整肅畫隼纂兵人進射聲之號水龍分翼家列習流之陣爰有武林諸士聞風遡懷慕義興起衣冠猶在悽愴故主之思弓矢來同慷慨征途之涉初謁司馬領受節制復入踞湖山謁某北面執贄稱

門弟子馬融帳下。或成君子之營鹿苑山中。為時某僧欲射如來之鼓紀義贊弟

二十一。去病案湖隱外史凡四十篇係葉氏子孫鈔藏舊本流傳甚少而戰功義贊二篇又有序無紀疑為人所削可憾也

東湖草堂傳稿序

華亭 周立勳 勳 占

時方仲夏。放舟泖澱之間。水與風利。帆若飛羽。出日生所寄文而誦之。光氣動人。極豪頓之致。因擊楫而嘆曰。吾徒寂寞天地如此。得此雄文。殊為長氣。携之金陵。朝夕諷詠。不少倦置。今秋榜發。日生居上。予奄焉復擯去。雖自恨其心躁手拙。然未嘗不信吾目也。日生之文。堅英敢邁。遇物自廢。所謂吐納珠玉。卷舒風雲者矣。每與辨論古今。感慨橫發。厲僞上之操。懷忠憤之性。而又未嘗不見之於文。故知言為心規。文為行表。斷不誣耳。然有謬余言者。謂文不足據。于得失之際。且然而何有於人乎。然此衡文者之失。而人固未嘗不見之於文也。文之譁言動衆。汎濫不根者。僞士也。其禍險而疾。拘鄙不通。比節文義者。曲士也。其禍僻而遲。若乃體性堅明。運思特速。則其人必有剛

方。之。目。周。應。古。今。條。紀。事。物。則。其。人。必。有。弘。濟。之。才。日。生。備。兩。者。之。美。而。無。兩。者。之。病。宜。其。以。當。世。自。命。而。共。推。爲。名。教。之。宗。也。今。天。子。有。意。網。羅。異。等。厭。薄。科。目。而。予。願。有。進。焉。者。天。子。下。明。詔。戒。厲。主。司。一。志。平。氣。文。取。典。雅。勁。拔。者。不。則。沉。厚。醇。慤。者。如。前。所。云。汎。濫。拘。鄙。絕。意。不。收。收。則。以。漢。法。繩。之。何。患。人。才。不。輩。出。而。顧。求。之。網。羅。之。外。也。無。已。請。觀。日。生。之。文。與。日。生。後。日。之。樹。立。乎。予。偃。蹇。多。困。不。關。世。事。而。不。能。不。詳。論。日。生。之。文。者。以。尙。有。吾。目。之。足。信。也。丙。子。仲。冬。華。亭。盟。弟。周。立。勳。爲。之。序。

東湖草堂傳稿序

太倉張溥 天如

今年夏初。日生刻其近義二十篇。多抗往切今之談。主於規諷廊廟。匡變世俗。騶虞好仁。屈軼指佞。猶有見者。文人挾此。可與論出處矣。秋試冠一經。同人恨其不卽舉首。與維斗共稱盛事。乃日生意無喜慍。聞報日。即抱舊時篋。坐館舍。與曩日生徒講論不輟。凡車馬出入。賓從酬獻。所爲貴人繁苦者。

脫如無有。風雨徒步。華冠縕衣。間操小舫。過問諸同志。高論丙夜。辭致慷慨。憂危盛明。志在許國。乃知高軒。不易敝廬。鼎食不忘。故人前賢。美談猶日。生之小節未足。量遠也。全稿出海內。望其名氏。驚喜購讀。抑聞聲相思者人也。進前而御者文也。莊惠捐金。伯期撫弦。相知以心。未容嗒喪。則形外賞嘆。憑此一卷矣。夫行卷房稿。因時變遷。同於歲序。然蚤凋者多。晚勁者寡。近則畸人偉士。曠不欲觀。意謂言非中心。寄覽無益。若令徧誦日生諸篇。武侯出師令伯陳情。忠孝之思。斐然可觀。此固延陵家書也。敢薄帖括。爲不傳來壯夫雕蟲之目乎。周子仲馭。素負人倫。月旦昨遺書予云。與日生對竟日。目中未嘗見如許人。今讀此稿。其欣慰當過甚。所謂既見楚山。又遇宋玉也。年家弟張溥題。

吳節愍公遺藁叙

吳江陳壽熊子松

嗚呼。改革之際。至難言矣。投時之才。或貶節以就功名。而忠臣義士。以死抗

天命者。後人并其姓名。不敢筆之于書。雖著述可傳。亦孰爲之傳哉。惟我朝之于明。則不然。甲申之難。吳江吳節愍公。易以進士起義師。未幾兵敗被執。及高朝宗追黜明之貳臣。且錄其死難者。賜祠及謚。而公之遺稿始復出。蓋自公沒。至是。國家承平。垂數十年。武力旣優。文網方密。官吏希旨。抉摘忌諱。于是我吳鉅公有入仕本朝。而身後以文字得罪。禍及墟墓者。公以一書生。倡義數百里。間身膏斧鑕。名沒草莽。固亦已矣。乃日久論定。而殘帙故紙中。猶赫然有公名。在以視貶節而敗名者。固何如耶。況于怙恃才望。覲顏要寵。而卒不免于戮辱者耶。夫公以名節貽後人。而朝廷以大義。不沒公之名節。則凡公之子孫。讀是書者。俯仰高厚。忠孝之氣。有不勃然而興哉。藁凡三卷。詩詞若干首。文若干首。壽熊之外兄吳渙君壯所手校。君壯于公爲族裔孫。爲人尙氣。而能文。間者以書屬壽熊。旣爲之參攷史志家譜。及傳聞之可信者。作家傳。冠于書首。乃序而傳之。

舊刊本跋

一刊
吳江
吳鳴鏞
蘭士
行

先六世叔祖惕庵公。精忠大節。炳耀青史。生年著作甚富。制舉義久行於世。詩古文有東湖集八卷。東湖倡和集二卷。富強要略十三篇。殉義時散佚幾盡。後人掇拾殘賸。不及什之一二。梨棗未登。傳鈔頗罕。鏞家舊藏一帙。凡詩七十一首。詞十二闋。更假邑中親知家藏本相較。復增詞八闋。雖一鱗片羽。而公之忠君殉國。慷慨激烈之氣。卽約略於是乎見。以視陳忠裕夏內史諸集。體格或不同。其爲繫人倫關世教。而不可磨滅於天壤。則一也。爰敬加編次。分爲二卷。付諸剞劂。以廣其傳。道光十三年歲在癸巳孟冬下澣。六世從孫鳴鏞識。

重輯史弱翁趙少文二先生遺詩叙

東湖三子。吳長興。外史弱翁趙少文。二先生是已。長興就義。少文已前卒。獨留弱翁。貧病以死。遺書。薶落似續。無人當時莫不悲之。余少徵文獻。素慕長興之爲人。周諮博訪。迄今十稔。果獲其集。刊之。獨史趙諸作。依然無覩。良用慨焉。雖然。古今來魁奇豪杰。生前名位赫耀。死後泯泯。汝弗彰其間。何可勝道。矧在諸老際。百六陽九之會。幸而不躬膺大僇。抵觸文網。斯亦已矣。尙烏恤于區區文字。而蘄至其必傳哉。特是韜晦者。古人之心。而表章者。後來之責。伊古以來。若三閩彭澤。悲吟感慨。何如切至。而其心不過假是以發抒鬱結。非欲纂輯篇什以貽後人。博身後名也。不寧惟是。且恐名之或留以爲己累。如鄭所南者。其于胡元亦既痛心疾首矣。然于所著心史。尙不欲表顯沈之。矧井錮之鐵函。以務滅其蹟。倘非天旱。濬井則雖謂至今幽霾可也。然而卒光顯者。寧非所謂君子之道闇然日章。雖歷千劫。不可磨滅者耶。今史趙完

帙。卽不復得。然散見故籍。略可搜討。因刊吳集。急爲董理。埶而傳之。名曰唱酬餘響。庶尙慕長興其人。因是及于二子。而當日一堂倡和相期。慷慨亦得彷彿其萬一歟。丁未六月。邑後學陳去病叙。

略例

一史氏所著有東湖唱和集。趙有春草堂集。今皆失傳。惟吳江趙氏詩存。周氏松陵詩萃。選少文詩甚多。其他則殷氏松陵詩徵。選有二先生詩各如干首。朱氏明詩綜。亦有弱翁詩一首。此外則鄧孝威詩觀。所選弱翁詩亦多。蓋承徐松之先生託焉。茲悉据之入集。

一孝威所選弱翁詩。每首必有評語。今亦照錄。而愚庵小集。又有弱翁詩集叙及七絕一首。俞無殊趙砥之徐松之。亦俱有詩。並爲增錄。

一弱翁古文。絕未之見。少文亦祇餘一首。刻入吳氏家譜。今已列之長興集內。茲不更贅。

史弱翁詩集序

松陵朱鶴齡愚菴

嗟乎。士之能以文章著述成名于後世者。豈非天爲之哉。余少嬰沈瘵。勉習舉子業。弗好也。顧獨喜談說騷選。及西京大家之文。見有服奇嗜古。不牽世俗趨舍者。必折節而與之游。弱翁其一也。弱翁尊君某。甫登賢書而歿。弱翁艱窶萬狀。遂發憤爲詩文。絕意干祿之學。俗子疾其所爲。以爲古文之道。如盲者之于鑑。禿者之于櫛。甌越人之于章甫。安所貿衣食者。而沾沾爲交口。姍笑之。且排窄之。弱翁卒。岸然不顧。京口潘木公。稱道之于諸公間。名稍稍起。于是沂。長。河。遊。燕。邸。眺。覽。帝。京。宮。闕。之。雄。燕。然。碣。石。涿。易。滹。沱。山。川。起。伏。鬱。紆。磅。礴。之。氣。勢。以。及。荆。卿。漸。離。悲。歌。擊。筑。子。美。南。池。太。白。酒。樓。諸。故。蹟。盤。桓。徙。倚。慷。慨。感。激。一。發。之。于。詩。章。歸。而。抵。永。嘉。寓。金。陵。所。與。唱。和。者。如。顧。與。治。邢。孟。貞。楊。龍。友。方。爾。止。輩。皆。名。士。是。時。寇。起。三。秦。殘。躪。中。士。弱。翁。感。時。諷。譏。刺。刺。不。休。每。過。余。蕭。齋。出。所。作。相。示。談。及。門。戶。箝。結。盜。賊。披。猖。之。故。未。嘗。

不。太。息。歔。歔。繼。之。以。泣。也。弱。翁。之。詩。曄。泓。蕭。瑟。初。值。鍾。譚。主。盟。相。率。爲。淒。聲。促。節。未。能。自。振。于。古。後。居。東。湖。與。楊。齋。聯。和。則。全。法。少。陵。格。律。日。進。及。遭。崩。坼。之。變。方。期。借。余。輩。數。人。晞。髮。湖。濱。修。谷。音。海。錄。之。故。事。而。未。幾。死。矣。惜。哉。弱。翁。歿。十。餘。載。蒸。嘗。不。續。遺。書。散。落。人。間。其。所。著。鹽。法。志。燕。京。遺。事。松。陵。者。舊。傳。無。能。搜。討。所。在。僅。得。詩。若。千。首。爲。評。選。而。欲。梓。之。以。多。故。不。暇。每。一。興。念。輒。用。慙。然。嗟。乎。服。奇。嗜。古。之。士。世。不。多。見。也。幸。有。其。人。矣。而。復。丁。屯。蹙。既。窮。餓。其。身。促。其。年。以。死。死。而。復。奪。其。胤。又。將。彫。零。磨。滅。其。所。著。之。書。使。之。無。可。表。見。于。後。世。何。天。于。服。奇。嗜。古。之。士。虐。之。如。此。其。酷。也。天。虐。之。酷。而。于。人。之。姍。笑。而。排。窄。之。也。又。何。憾。焉。

宋既庭曰純是故舊凋落之感
悲涼紆折學歐陽而得其神韻

集評

鄧孝威漢儀曰。弱翁松陵尊宿。守道高嚴。不輕爲去就。貧而無子。僅餘弱息。其易簣也。盡以生平著作。托之徐子松之。乙丑。余有詩觀三集之役。松之以

其遺詩一帙。屬余評選。捐貲授梓。蓋圖所以不朽弱翁者。余高徐君之誼。因力疾丹黃。蓋深歎松之于友朋生死之際。爲不草草也。詩觀三集

周笠川廷諤曰。少文負才。學行醇謹。尤工五言古體。與里中史玄吳易相唱和。號爲東湖三子。後易登進士。死國難。而少文與弱翁俱落魄不偶。抱鬱而死。少文名與二子埒。而詩獨不傳於世。予嘗遍閱選家諸本。並無單詞隻句。心竊怪之。今從其文孫處。得其遺稿讀之。蒼老古健。深得風人之體。才不在二子下。予故登之。頗夥。以廣其傳焉。松陵詩萃

送史弱翁

吳江俞南史無殊

五湖烟水暗。一棹正中流。不見片帆影。卽同千里遊。貧居羨間逸。客路入深秋。各有異鄉意。風霜莫滯留。

哭史弱翁

吳江趙瀚砥之

弱翁名玄。字靈籟。孝廉。遺直子。博學能文。尤工詩。與余交善。今年三月。

顧茂倫邀余看花至柳胥。并看弱翁病。路次聞訃。即同往哭之。歸惻惻不能飲食。悼弱翁亦自悼也。弱翁妻鄒氏。與徐介白妻兄弟也。皆無子。

春麗江天花正開。為傷孤鳳步徘徊。心寒易水衣冠白。哭慟崖山魂夢哀。破屋藏書人自杳。貧家無子鶴空回。言旋誦爾黃雲句。珠淚潛潛滴夜臺。弱翁有句

云百里黃雲聞戰鼓。五更風雨哭崖山。

傷史弱翁

吳江朱鶴齡愚庵

井逕陰風迸淚流。遺書空散白雲秋。泉臺莫更求知己。執紼何人到寢邱。殊無

曰意絕可感。不忍多讀。

悼史弱翁先生六十韻

吳江徐 崧松之

吾友今何在。依稀返列仙。得非枯衲寄。猶是病魁躔。弱翁父名遺直字信夫天啓甲子舉人報

捷時鄰嫗夢一病魁星扶至其家已而遺直歿至性原殊俗。髻齡即靜便。坎圻遭繼母。冷落類寒

蟬。妻喪盆還鼓。兒殤玉竟捐。八垓窮典故。萬卷脫言詮。傍樹清如鶴。冲霄疾

似。鳶。著。書。知。幾。册。爲。客。歷。多。年。鹽。法。籌。丁。竈。河。行。課。水。船。京。都。詳。帝。蹟。者。舊。

別。鄉。賢。弱翁著有鹽法志河渠注吳江者文。運。韓。歐。筆。詩。裁。李。杜。篇。潛。

思。題。戶。牖。得。句。記。鞍。韉。顯。晦。關。千。載。存。亡。守。一。編。髮。因。勞。變。白。心。爲。靜。通。玄。

里。巷。嗤。縫。掖。公。卿。願。執。鞭。高。譚。風。滿。座。快。飲。月。窺。筵。雅。識。烏。臺。柏。閒。尋。白。社。

蓮。獨。奇。疏。牧。叟。每。見。誦。盧。箋。翁文最見誦于盧德水孫魯山諸君而于蒙叟爲甚疏玉。帛。貽。堂。上。

干。旌。繞。屋。邊。辨。寧。誇。舌。在。騎。或。下。腰。纏。靈。照。知。文。字。翁止樂天夫瑟

粒。翁繼室食。輕。蝦。菜。值。衣。炫。綺。羅。鮮。小。誤。神。頻。禱。微。疴。藥。屢。煎。抱。男。維。釣。艇。

繼室假抱。一。子。喚。乳。割。耕。田。厄。漏。膠。難。貯。弊。歛。燭。不。延。兵。戈。生。草。澤。烽。火。隔。山。川。避。

却。偏。逢。却。纔。遷。忽。又。遷。一。朝。箱。篋。盡。數。口。釜。鬻。懸。時遷廿八都移舟出避一日遇劫七次

念。舊。披。榛。莽。尋。幽。保。粥。鐘。聞。笳。驚。欲。走。觸。刃。慘。還。顛。歸北郊長女爲北兵刀斫幾死盜。竭。

莊。周。粟。囊。空。趙。壹。錢。墳。孤。當。石。碍。翁父墳不利屋。破。見。星。穿。江。縣。離。三。里。湖。村。假。

一。椽。時借居予嚴。寒。蒙。襪。被。積。雨。斷。吹。烟。剝。啄。從。誰。叩。羈。棲。強。自。全。斯。文。空。

棄置我道實迥憶昔才華盛非徒隱逸偏富強思佐國運會欲回天舉世

酬雲錦傾城擁翠鈿與吳佩遠燕地買嬋娟娶京姬名今宵都人俱賦

傾城悅名士詩送之侶集東湖詠與吳惕齋先師趙少家居北郭連壯游真莫及貧

死劇堪憐賫志身休矣修文淚泣然歛獻辭永訣冥漠痛長眠別業行將廢

遺書孰與傳臨歿託余遺書沾砌土授帙倚牀沿所著書俱貯甕埋土視我同披

膽膺君失仔肩余遺書忘機疏似野入世直如苴漂泊傷時蹇流通恨力

繇頗憂逢法盛猶幸值僧虔謂王咸平孝友宜家久詩書用力專揚名親有後立

志德為先莫廢縹緗襲須謀琬琰鏤借鈔存副本分註貴深研窃笑飛廚畫

寧容染璧涎橘榮冬再實菊秀晚尤妍圖史移新宅烟霞鬱舊阡辟芸香氣

滿揮翰墨華鮮携手斜陽裡盟心白水前自茲經付託應不負重泉

唱酬餘響

吳江史立弱翁趙渙少翁著

邑子陳去病佩忍柳棄疾亞盧輯

中秋攜新姬今宵出都詩徵

立

俄○然○出○樊○籠○再○遊○江○海○天○灩○灩○白○雲○秋○我○行○已○三○年○京○華○貴○束○溼○龍○沙○事○烽○
煙○黃○金○養○末○士○此○輩○無○高○賢○怪○汝○蘭○蕙○姿○識○我○思○歸○田○相○從○願○同○行○梳○頭○鞍○
馬○前○我○家○住○江○南○采○菱○復○采○蓮○自○從○遠○行○役○湖○渚○空○潺○湲○今○歸○果○何○如○與○汝○
相○周○旋○大○婦○織○流○黃○小○婦○隨○機○邊○三○日○下○兩○絹○匹○匹○絲○纏○繅○其○中○我○讀○書○文○
史○聲○相○宣○陰○陽○事○殊○用○教○化○達○以○專○二句詩徵奪念○此○洽○幽○趣○豈○計○囊○空○
錢○汝○車○我○馬○行○明○珠○雙○照○懸○据本事詩補

山居詩贈張將子並詩觀下

吾○吳○凡○四○姓○越○溪○舊○稱○張○處○士○南○村○公○孤○翔○如○鳳○凰○其○名○在○州○府○辟○之○不○敢○
望○處○身○託○夷○惠○晦○跡○留○綱○常○此○意○三○百○歲○到○今○有○幽○光○子○孫○薄○貴○仕○脫○略○行○

與藏吾子耿冲介。頎然松柏長。射策金馬門。隱居素心堂。澹泊貴明志。懷袖春蘭芳。起樓在溪西。開牕對山陽。遠色黛雲起。長嘯餘清狂。日者與子期。興趣思高岡。我徒慕箕穎。跡猶繫塵疆。游情偶來茲。鬱鬱觀農桑。漢西與西枝。子宅殊頎頎。兵革既未息。所望諸扶將。君公非避人。我自依東牆。鄧云序置極老

盧德水侍御寄杜亭詩

正聲自古初。作者誰獨步。猗歟杜少陵。大雅頎足數。流傳八百年。此道莽回互。蔓草委王風。鬼語亂如鶩。虛公具體微。感慨任詞賦。誅茅祠少陵。以精通寐寤。晨興謁高堂。次及林居趣。公以戶部郎乞終養林居十年興觀本有懷。冀與賢者遇。書成哲人知。果獲錢公句。因盧作杜箋。公有杜詩胥鈔宗伯錢公因作寄盧小箋魂魄來相聚。邇者終服喪。補官到邸寓。獻酬無凡才。見力有餘裕。短褐識我曹。令德表心素。投我杜亭詩。如飲石上露。沈鮑不足推。羹墻有深慕。通淨取性靈。清妙去雲霧。人倫盡依歸。薰氣相吹附。中興一家言。式昭我王度。鄧云德水先生寤寐風雅而飯

依少陵尤切吐握下士海內咸曉其肝腸晚節高臥丘園不孰仕進其豎品尤卓惜其後嗣鮮有繼其業者

秋浦懷古

客行如遠葉。夜到秋浦船。蕭條八十里。蒲稗滿目前。上有太白居。憔悴荒江煙。君門吹墜夢。鷓鴣同飛還。徒負蒼生情。空有明主賢。日夕不得意。使酒長江邊。我亦雲海人。來遊溯廣川。綠蘿本無託。鷗鷺隨風遷。拂拭我秋容。與君問青天。歌子秋浦歌。哀聲達夜絃。絃感心斷絕。霜號滿口猿。鄒云詞清意遠其飄飄飛

動處正與青蓮神合

京口春日送別方爾止

蕩子行無定。相逢復下船。楚蘭千里外。吳水暮春前。趨府空彈鋏。還家早種田。津亭共爾別。記取渡江年。鄒云欸欸溫昵格復清圓

柳絮

柳色起春明。飛花動洛城。羅衣吹歷亂。燕子貴逢迎。情似浮雲薄。身同舞雪

輕。一生無定準。飄蕩爲誰榮。鄧云大是可念

任城太白酒樓

在濟寧州城上

夫子非狂士。高歌在酒樓。相逢俱命世。縱飲爲身謀。古堞連雲樹。蒼山屬濟流。荒碑埋斷草。浩氣未曾收。

夜過東余山懷陳徵君田舍

徵君高臥處。鄰舍盡蕭然。烟火歸樵徑。泉流出野田。山留松際月。水動夜行船。幽興年來甚。思君欲往還。鄧云萬事不如息機讀此詩益信

將之永嘉雨宿錢塘江口

雨宿錢塘夜。孤篷亂葦傍。潮聲連夢到。暝色入江長。千里懷前路。五更思故鄉。白頭仍有事。不敢問滄浪。鄧云蕭瑟何似

自建德入蘭谿

水劃分江路。嵐深棹不開。出灘編竹過。作炭候冬來。紅柏霜前落。清猿月上

哀。微風發旅思。津鼓急如雷。鄧云何如孟襄陽

兪嶺

下盤復一盤。瀧水出鳴湍。虎跡疑前嶠。人烟隔近巒。兩崖開竹翠。滿路接楓寒。此地居人少。山虛石壁寬。鄧云寫地志筆力因之增勝

過青田縣

江關迷前路。山連萬壑陰。荒城危落日。小邑入寒林。丘壑多相負。風烟只遠尋。推篷念康樂。轉憶石門深。石門山在青田縣謝公有石門新營詩鄧云思危逕竊讀之博折

登石龜混元峰

石龜環嶺路。劈作混元峰。有徑皆通虎。無松不起風。寂寥栖鶴處。感歎落花中。道士今何去。青牛此未逢。志云青牛道士傳道處鄧云寫其險寂

秋日同邢孟貞登華山資福寺

郡城資福寺。秋老木芙蓉。嶺上見江海。雲中聽柏松。小僧相引路。蒼鬢共扶

筇。王謝祠邊過。風流世所宗。山下有王謝祠

鄧云高健

甌城送楊龍友之江寧任

使君東海發。冠冕耀朱旛。吏治匡其職。皇心措爾恩。秋風生桂樹。殘月下青門。帝里因君重。甌城失所尊。鄧云龍友詩畫雙絕而風格清超其令永

中者世亦安有如此之令宰乎

甌城與龍友夜話

中原沙磧裡。悵望屬才臣。煬竈今無燼。經綸舊有人。寒燈開煖焰。山月照秋榛。自抱胸懷久。逢君話此因。鄧云此時南北多事而屬望者不過數

泊溫州城下望江心寺

蜃氣清如此。江心意渺然。沙平孤嶼寺。樹冷一洲烟。唄發虛巖磬。潮歸落日船。旅人方有事。吟眺未能前。鄧云矜秀

游謝公石門山

同龍友孟貞

青嶂懸崖斷。雙巖峙石門。日晴曛草色。松綠靜雲根。謝客眞同履。桃源別有邨。天台多瀑水。此處似兒孫。鄧云雅淨之極

東湖雜詩詩微下

西望藏軍洞。君臣舊事非。城空賓客散。戍老甲兵稀。香徑埋幽草。梧宮暗落暉。山頭迷望處。白鶴自忘歸。

春感

自愛衡門下。躬耕采綠薇。兩年逢世變。一飯覺難依。百舌山園早。五更風雨違。春愁無計住。桃李正同歸。

簡村泛舟

詩微觀

挂席樵風便。乘流亦偶然。雨晴天色定。日正午時圓。荇菜緣流合。鱖鱠出水鮮。草深前路狹。罨畫綠如烟。鄧云鮮美似右丞

盤門瑞光寺

以下仍據詩觀

紺殿橫雲出。涼風動四垓。馬嘶春草路。榆蔭舊經臺。萬戶焚皆遍。諸天拱不開。方知龍象力。劫火未能灰。鄧云喪亂以來惟梵寺不隨劫火豈獨瑞光為然

采香徑

香經傍琴臺。春風長綠苔。君王高宴罷。宮女踏青來。芳草隨思佩。羅衣照景開。屐痕何處所。野老問塵灰。鄧云章法井井而情興亦超

五月五日追憶秦淮舊遊

最憶淮流好。歌船引畫圖。簫聲翻玉樹。枝影照春蕪。渡口迎桃葉。溪傍待小姑。而今羅綺歇。無復舊留都。鄧云秦淮燈船關係天下盛衰有心人於此能無興闕寶之感

晚歸簡村王延平送至渡口

湖邊歸落日。渡口涉風波。念子遠相送。教余情更多。漁心沿岸柳。鳥意入雲蘿。來往西門道。何時隱舊柯。鄧云茗茗清勝

傷春詩徵

岷峨襄漢合江東。朱邸新開分野同。碧海初生紅日近。翠華先幸玉房通。鍾陵百代麒麟路。朱雀千年楊柳風。九廟神靈仍依倚。氣雄山岳隱從龍。

方爾止避亂來梅墩同上

南徐城下惜離初。渺渺長淮握手餘。祇爲能詩成雅頌。誰知遇亂入樵漁。世閒甲子歸前代。人外桃花是我廬。碧海風波何日定。草生三徑似閒居。

覽物

去病案少文詩三十首俱係吾友棄疾自吳江趙氏詩存錄出因依刊如下

渙

涼風蕩空天。雲英忽欲散。氣質委爲先。無復成舒卷。耳目易所適。春夏秋焉晚。佳人倚瑤樹。有美清揚婉。被服素與紈。鳴琴吹玉管。清聲感人情。徘徊中曲轉。知音難可期。行樂不得緩。

瀛海千萬程。乃至蓬萊島。仙人無羽翼。遊戲佼兮繚。巨鰲歸龍伯。沉淪於洞杳。物數無仙凡。遇大斯爲小。飄搖秋風至。白露零野草。孤蜃鳴碧林。玄鳥于歸早。人事更變化。優游會忘老。

日月逝肯適。朱顏暗中凋。野花秀寒露。娟娟偶此朝。我有延年術。華池發玉條。月光化爲水。溶漾下金橋。靈雪忽飛去。胎堅道仍高。子登婉清揚。舉手笑相邀。體氣閒且妙。順節泛逍遙。下視日月子。去來乃勞勞。

鈎吻與黃精。共在深山裡。忽遇求僊人。誤食至於死。春陽發光澤。灼灼桃與李。麗服美朱顏。年少嬌容止。新詩被絲竹。清吹洋盈耳。陳酒醉春風。行樂無終始。世士好彌縫。經營隨日起。本自喪其真。傷生云何理。

靈芝閒以秀。高隱巖中阿。昔在商山老。從之采且歌。于今林中士。餐氣以爲和。土菌生糞壤。棄置徒爾多。立身貴有以。高潔意如何。超超凌霞月。杳杳隔煙蘿。

采藥入名山。青霞結松樹。毛女漢前人。容色含丹素。語笑未分明。鶴去空煙霧。沙邱秦帝死。楚炬阿房仆。當世得長生。十載遺修嫵。服食豈無神。荒淫不女祚。

燭燭秋明月。遺照東西海。魚龍各變化。寶玉爭光彩。精華遙相望。忽焉失所在。妖妖美少年。一旦成衰改。酣酒笑吹笙。仙人不相待。

辭家遠行役。萬里至交州。空山有豨象。嗷嗷如有求。束芻朝見與。遂爲人所謀。山雞畏雨雪。擁翅悵以愁。潔身寧自愛。義不出行遊。文彩終致寇。靈均有離憂。

飛鷗甘火烟。走獫美銅鐵。荆棘有何好。靈犀日流血。物固有所然。斯理未具察。子子化爲蚊。其睫又巢蟻。細大寧有殊。愚者誕斯說。靄靄水上烟。皎皎霜中雪。輝輝媚人衣。瑩瑩可怡悅。

佳人十五餘。顏色如花好。執櫛君子旁。如月光皎皎。但恐流波逝。相看坐衰老。仙人吹紫簫。雙鳳凌縹緲。終始少年人。行雲戲相翳。瑤草碧桃花。盈盈美懷抱。好色興長年。云何得共保。

感懷

出門何所之。無聊嘗獨步。欣此野人居。粉榆蓋其戶。新草樂柔風。翼翼在前路。箕踞且須臾。田唱有時度。所遇見新壤。風景豈相誤。久坐聞黃鶯。泠然使心悟。

伏雨遂積日。微晴昇木杪。小麥獲已劣。新意賴幽草。開門觀遠山。輕雲或縹緲。田野無一惡。青綠倍鮮好。所至立斯須。流泉激了了。禽鳥共鳴意。真寄在冥杳。萬物各有託。微軀何足道。

四仰詩

見松陵詩徵前編棄疾識
病案詩徵削四仰詩一行三字

誠意伯劉文成公基

真人掃六合。

詩徵作
群氛

載肅海宇

詩徵作
宇宙

清。當日資駕馭。

勢必須豪英。偉哉青

田公。秀概森雄情。

一德契高皇。豁達相合并。歡然吐心膽。大略飛

詩作

非橫縱。

軍中萬豪傑。一一驚神明。江漢再作逆。復從鄱陽征。勝敗割斯須。撤振勢不停。羣仙臨罡炁。詩徵作氣吁。鰲鯨鯨爭。公獨擅謀斷。計畫奮立成。從此定大業。四

海同王正帝曰。我子房恩禮絕。羣卿規模締開創。茅土空哀榮。至今混元峯。
霞氣蕩金晶。思公未虎嘯。鬚眉照清泓。往往水石妙。蘊憤閒詩微。盱衡。倏見
異雲起。傲岸舒生平。諸公頗怪詫。終然笑狂生。誰知風雲會。閒使趨逢詩存。
迎。一朝應運出。何異聘渭莘。時來開天造。道退垂鴻聲。拜手君臣際。嗚呼涕
淚零。

少師榮國恭靖公姚廣孝詩微前編

榮公英雄姿。泊然寄沉淪。鍛鍊權奇材。獨覺歸清真。鍼針詩微。錄霹電轉。奪却

金篋新。於茲悟兵勢。詩存。捍闔無嘗親。道大超方垠。抑鬱久未振。高吟北固

山。注視揚子津。搖膝意慘慘。殺性騰逡逡。少年資仁柔。雄非高帝倫。燕王况

神武。天命早自陳。禍開骨肉親。四海皆邐迤。危機急相注。塗炭迫一旬。公其

忍安坐。揮斥來百神。風霆晝詩微。劃相應。皇天詩微。又鞭赤鱗。遂奪九門柵。直走

淮海濬。於時公自視。高照眞天人。文星登大寶。遂初守清淳。赫烈佐命勳。蕭

屑學道臣。舊時優曇花。側挿蒼翠筠。殷繁聖人賜。服御羅雜珍。宮妝出嬋娟。秀艷空上春。感恩懷寂寞。香潔終一身。垂世三百年。邊腹不動塵。即今鯨鯢嘯。拱極仍星辰。皆公本計謀。密勿告楓宸。四句詩徵前編缺遺像肅肅趙氏詩存作肅誤今從詩精峭。眼角影青輪。屹如倚病彪。不忘怒一伸。諸天佇黯淡。神氣開嶙峋。一為時世出。萬古宏慈仁。

太傅于忠肅公謙棄疾案詩徵前編此首在前首之上疑誤

我生太平後。心共戎馬壯。撫運懷古人。慘戚崩濤漲。于公本天神。縹緲自孤嶂。秀骨峻嚴霜。潛謀劃精匠。鴻吐震大廷。宣廟咨英尙。并豫半中原。簡在畫兵餉。出入二十年。寒威轟城仗。土木潰師臣。九廟俱驚愴。紛摺詩徵前編憤幅暄矜抗。公時持大計。高謝遷都妄。沉斷肅無聲。疇咨翁宏量。城堅羅郭守。戰用楊石將。方略密勿知。號令風霆讓。卒使也先驚。謳歌歸太上。堂堂社稷尊。蝮啄纖無恙。一夜南城開。孤臣萬罪狀。詩徵作罪萬狀刀斧吹清風。人天血。

相向烟水滿。原缺今從湖山氣象關存喪。公亡二百年。戎馬頻南向。烟花京

國深。二句詩烽火看。詩徵又惆悵。感懷蘭古春。太息救時相。余昔拜公墳。秋山

悄莽曠。白虎守層巔。英靈倚帝旁。詩徵夢寐接精魂。意若授神貺。得匪公載

詩徵作再來。洒削乾坤瘴。

新建侯王文成公守仁

南山岷江根。蟠紆過溟渤。精靈間氣聚。夫子負英特。神人儼緋袍。香光繞雲

物。語默悶奇踪。顧盼恣。詩徵飄忽。居庸俯三關。騰蹕萬里失。手彎健兒弓。

詩徵手彎雕弓。身上陰山積。神龍奮雲衢。金翅開勁翮。壯歲果飛翻。威行赫嶺

越。叛藩久蘊崇。睥睨意所得。倉卒沸旌戈。志欲無京國。漁舟載雷龍。吉安大

討賊。牽制使勿東。妙用周間諜。搗穴既出奇。催鋒獻全捷。令嚴鋒鏑輕。義動

智勇發。已澄烟水清。再懼。詩徵貝錦裂。君王聖武昭。臣子心力竭。空回九

華棹。終掃雲林迹。肅皇御至尊。五等酬庸伐。起為嶺海行。更豎思田碣。雷憑

石鱗動。苔青銅柱圻。詎非震古勳。淡淡浮雲刷。平生斂精魂。透悟生死訣。一言提唱徹。百靈動凄切。白日照中天。飛光淨詩靜微藏滅。唯茲答君親。有何不迸瀝。誦法自諸儒。茲道終壁立。姚江黜清深。遺烈猶突兀。載讀安邊書。飄蕭下風雪。

桃源行

偶入桃花源。步步桃花深。花光落清水。水意照人心。花水淡吞吐。漁人幽處尋。一逕通行客。溪橋接水潯。林間幾翁叟。閒坐聽溪禽。適音各自歡。一叟忽殊音。本來此絕境。秦人何意臨。問答知移世。惋歎不可沉。雞黍雅淡叙。落日遙遠岑。雲空鳥聲寂。野水影漣淪。數日聊不厭。歸志默自侵。漁人別山水。桃花靜雲陰。

遊橫山與草庵

棄疾案此首亦見
松陵詩徵前編

空山無言雜花開。霜紅萬樹隨風來。山鳥啁啾聽不定。遊塵不上青青苔。青

苔日厚無行迹。草菴直面雲。

詩微作空

山碧晝坐啣花鳥雀飛。夜雨松風聽蕭

瑟。我是前身戒師父。

詩微作恍惚前身是戒師

偶來遊戲人間世。每到山中自在行。晝

眉喚我山中住。春風夜雨瀟湘川。桃花玉洞天台山。峨眉積雪深千尺。洞庭

秋月萬里間。

詩微作懸

黃州昔有蘇公路。山陰曲水流觴處。衡廬雲氣芋連綿。

終南少室相隨去。天下名山何盡窮。但恨不如冥飛鴻。舉頭身在橫山下。落葉蕭蕭滿眼紅。

五月江南行

黃梅微雨洗花竹。江南人家住深綠。小樓半在烟裡居。人引魚簪就菡屋。農者移秧揮碧烟。蒼茫野水不知源。涓涓是處皆流響。閒泊扁舟每到門。蘆邊鷗侶自廻渚。樹裡黃鸝鳴過水。夏木山深隔世年。豆花清蔭樵者語。桑麻菽稷漸能收。落日微波淺淡洲。坐看林樹無遠近。五月江深雨泛秋。

讀書罷將臥望月

山人卷書將欲臥。起來明月當空天。秋聲四夜但寥絕。唯見積水流青煙。登樓望月思故人。明月墮地飄車輪。乾坤無雲邈浩蕩。風吹素影清心神。高歌李白呼不出。落落四海真無人。

六懷詩

吳日生

天下文章士。君登百尺樓。聲名搖海嶽。才思滿滄洲。碧水虬方躍。丹青鳳欲游。澄清如有待。廊廟正咨謀。

吳次尾

海內千秋業。斯文第一人。何為驚健翮。猶自困風塵。鸞嘯回丹壑。虹光吐玉津。蒼生殷佇望。珍重秣陵春。

劉伯宗

共是東南地。江臯星氣回。時名何足道。家世不羣材。櫪驥心仍壯。鶴雛翅一。

開筳聲亂雲朔。夜舞正徘徊。

楊龍友

夫。子。天。南。秀。文。星。動。夜。郎。摘。詞。飛。赤。電。拂。劍。倚。青。霜。鸞。翻。離。荆。棘。龍。韜。傳。玉。璜。羣。公。正。推。轂。佇。望。攢。殘。疆。

王周臣

海內文章伯。時名君獨豪。詩忝疑添山色笑。畫出水波濤。洒句揮毫滿。持

籌秘術高。閒來時一醉。我輩尙蓬蒿。

吳佩蓮

去病案蓮當作遠係長興伯猶子居嘉興之南湖

草綠連平楚。南湖與東湖。扶搖空逸翮。風雅自吾徒。有恨兼經濟。無言對酒。鱸。何時雲月好。一爲醉菰蘆。

東湖雜詩

軒楹饒曠望。斥澤逼荒萊。飢獺盱眙過。寒禽擘磔回。海風旋夜雪。臘水上春

雷。歲。事。關。天。意。更。深。角。吹。哀。

立春
雷雪

未。遂。成。高。臥。何。妨。故。閨。寥。橫。雲。看。獨。鶴。調。羽。射。飛。鷗。白。雪。隨。人。和。青。虹。倚。酒。澆。醉。露。無。那。劇。夾。浦。弄。歸。潮。

淮。海。初。傳。信。乾。坤。此。日。心。感。懷。唯。悵。望。勛。業。只。登。臨。鷗。翻。翻。烟。上。鷗。羣。怪。雨。吟。浮。雲。隨。處。是。莽。莽。太。湖。陰。

縹。緲。晴。峯。遠。青。霞。渡。水。歸。數。川。連。一。望。孤。鳥。去。還。飛。張。翰。莼。絲。軟。元。真。鱖。筍。肥。風。流。不。復。再。斜。日。自。清。暉。

袍澤遺音

余既輯吳長興集。及史趙詩。附之卷尾。復念長興之所繇動人。欽慕者。爲其能仗義殉國也。然而公之能仗義殉國者。非以其有諸故人昆季爲之。參佐耶。夫公得諸故人昆季之參佐。而乃以仗義殉國。重千古。然則諸爲參佐者之故人昆季。卽無烈烈以死。而因公之仗義殉國。從而比附以傳。亦奚謂過。而况先後接踵。無異公之仗義殉國。以擁導公于天上耶。是則大可哀。且敬已。今者公詩若文傳矣。而諸故人昆季之作。獨譁落罕。觀余甚。盡焉。爰特爲之攬摭。成書一卷。刊而布之。名曰袍澤遺音。亦庶幾諸公仗義殉國之志歟。丁未六月。邑後學陳去病輯竟拜叙。

在獄致親族書

吳氏家譜

吳江

吳

鑑子儀

鑑賦性愚戇。讀聖賢書。知臣之事君。猶婦之事夫。未有夫死。未幾而婦另作嫁衣裳者。又未有夫死於其人。婦卽執巾帚於其人者。鑑不過明朝一諸生。

君臣之分亦微矣。然義激於衷。身家性命之念。等於浮雲。豈有曾叨一命。反顏事仇。忍心害理。一至於斯。嗟乎。今日域中。誰家天下。亦思坏土未乾。六尺安在乎。如曰事貴行權。則必賢如伊尹。才如管仲。然後可。又必君如湯如桓。然後可。不然。徒欲效兩人之所爲。竊謂古人必不取也。或曰。保全性命。故爲委蛇。但爲明朝保全乎。爲新朝保全乎。何妨並存其是。昔太公不兵義士。寧新朝不容一頑民乎。乃者執鑑繫獄。且并及吾父。使人詰我。指使何人。余應曰。有關龍逢。比干。顏常山。張睢陽。嵇侍中。岳武穆。文信國。及吾朝方鐵。楊左倪。范等數十人。又問頭目何人。余應曰。有魯仲尼。鄒孟子。兩夫子。使者以報。怒甚。命獄中百般陵虐。卒曰。爾登堂大罵爲誰。余曰。爲太祖高皇帝。罵爲成祖文皇帝。罵并爲思宗。以上列宗。罵且吾祖。世受國大恩。吾爲吾祖宗。罵也。吾罵時。死生已置度外矣。獄卒以報。怒甚盛。家人持糕果進。授獄卒。中途要之。粥飯在外攔之。獄中人有憐而食我。獄卒訶止。四日。水漿不入口。羣駭我。

何不呼餓。余曰。吾滿腔忠義之氣。夫奚餓。且史不云乎。人情莫不貪生畏死。念父母。顧妻子。至迫於義禮。則不然。故隨役咆哮。與獄卒犴。楚辱萬狀。昔人所謂見獄吏。則頭搶地。今始信之。然今日之蓬首垢面。勝於彼之簪笏衣冠。今日之縲紲囹圄。勝於彼之登堂佩印。是非榮辱。一時未辨。千百載下。必有能辨之者。更願速爲重處。蚤一刻。則受一刻之賜。蓋以一生維萬古之綱。常以一死存天下之節。義使後世垂之青史。知無不從順之中。尚有一不順從之諸生。大罵不絕。烈烈而死。則鑑雖死之日。猶生之年矣。鑑頓首頓首。

漫興

松陵詩徵

吳江

孫兆奎

君昌

風雨夜。漫漫燈昏。客袂單。音書遲。北闕烽火滯。南冠問世鳩。謀拙還家噩。夢寒強顏時。一笑兒女尙團圓。

伯姊葉安人宛君遺集序

午夢堂集

吳江

沈自炳

君晦

蓋容暉易謝。才識難亡。聲采不凋。芳華彌永。矧夫神朗金閨。則錦叢冥色。情

符丹簡。則玉臺增華。儀德兼崇。音光並茂者乎。然風雅非招愁之具。明慧豈引恨之媒。而朗麗多哀。伊鬱易感。是猶奏清角以來。憂聞雍琴而流涕。豈以風清者難爲懷。而意廣者易于戚也。若夫庭飄風絮。而與恨俱飛。詩詠落花。乃挹紅成淚。蘭摧芳腕。玉折瑤枝。星隕麟亡。珠傷月死。班風罷扇。謝雪消閨。腸似哀猿。魂如啼魄。野棠風碎。虛悲寒食之煙。手刺衣花。徒泣青楓之落。是以聲非隣笛。不異山陽。韻若雨鈴。靡殊蜀道。辭之悲也。非其痛之深乎。乃青綾步障。雅辯猶存。錦字流黃。新詩尙在。靈壽之銘如昨。筵篔之賦方裁。而簫聲忽斷。月寒鳳去之樓。石履虛存。雲濕蓮花之嶺。夢繞玉堦。紅心無草。淚餘香徑。斷腸有花。徒使弘農故卷。爰著遺芳之名。臨安舊文。用垂積玉之美。不亦傷哉。夫青州古塚。漫傳東海之銘。邽隴荒碑。空誌埋香之句。莫不影散寒楸。聲銷蔓草。露泣頽宮。煙迷故館。春翻芍藥。已異織錦之花。秋冷梧桐。無復擣衣之月。雲翹易段。寶瑟難追。若斯衆矣。尙奚云乎。豈若珠輝蕙軸。簧奏瓊

函。銀。翰。流。芬。綠。芽。絢。采。無。煩。金。石。與。碑。礪。而。兼。遙。不。假。丹。青。偕。悲。歡。而。並。寫。
所。云。百。齡。影。徂。千。載。心。在。殆。非。然。歟。吾。姊。宛。君。固。先。大。夫。之。元。女。也。明。姿。秀。
世。天。韻。風。遐。含。體。淑。宜。散。儀。朗。潤。幼。好。文。藝。長。洽。縹。緗。吹。律。之。對。早。自。聞。絃。
清。風。之。章。夙。明。往。誦。警。傳。桂。苑。穎。絕。芝。階。譽。溢。清。閨。聲。高。華。闕。兼。以。愛。敬。夙。
彰。柔。媚。必。備。聲。諧。環。珮。履。協。珩。璜。家。稱。慈。孝。物。化。謙。和。而。更。淵。志。冰。清。逸。情。
雲。上。桓。少。君。之。高。風。絕。世。王。韞。秀。之。識。量。過。人。躬。懷。士。行。跡。侔。古。賢。蘭。雪。齊。
資。桂。筠。同。致。是。以。志。存。雅。素。共。成。司。隸。之。名。朗。鑒。知。微。愈。重。巨。源。之。度。素。絲。
靡。玷。赤。黻。有。輝。顯。茲。休。德。並。儷。嘉。聲。乃。若。書。傳。伏。氏。史。繼。班。昭。堦。滿。鄭。家。之。
草。案。盈。路。澤。之。蒲。男。如。八。荀。女。似。三。劉。穎。藻。風。飛。驚。才。玉。立。幔。卷。春。風。簾。垂。
夜。月。綠。苑。烏。啼。紅。牕。鸚。語。閒。消。寶。篆。姑。酌。金。壘。硯。貯。璫。璫。筆。開。翡翠。蠟。燭。之。
吟。競。傳。佳。句。曉。粧。之。什。共。播。新。詩。秦。嘉。遠。宦。寶。釵。明。鏡。之。書。崔。女。光。容。白。雪。
桃。花。之。詠。韻。剪。瑤。華。詞。霏。雲。露。至。于。幽。緒。縈。懷。遐。思。引。悶。桂。吐。數。枝。蘭。披。兩。

葉不解臨軒之顏。徒憎春風之笑。張衡四愁。陳思七哀。不待有感。自爾多情。若素女之絃偏悲。漆室之憂長嘯。情旨遙深。固非人所易曉也。既而蘭香遽遐。綵鸞乍逝。雙珠載隕。二桂繼傾。痛纏心骨。愁疾漸滋。詞悲落葉。涕灑千秋之亭賦。寫傷心。悽惻金陵之恨。重以幼嫠。勞面于殤。轉慈姑崩。蹶于岷年。百憂既罹。五內咸摧。素帳一號。拊膺瀑血。護樹難消。龍膏靡補。月中靈藥。無復不死之方。海外神香。已絕返生之望。嗚呼。傷哉。雖慈孝兼成。允符古烈。而風雅頓盡。莫贖人亡。悲夫。葉虞部情雖伉儷。誼勝友生。富貴不累。梅聖俞之爲賢。高情相協。宗少文之同趣。嘯詠琴觴。唱酬風月。數翫典文。娛弄書史。方之往紀。有軼前徽。而金鈿忽墜。蕙帳已空。痛過安仁。哀逾孫楚。樂天不足。諱其悲。夢得未能。述其感。睠茲遺奩。爰收散帙。勒諸石錄。昭之彤管。翠微殘夢。依然明月。梨花孤館。神飛猶唱。傷心園樹。王家蝴蝶。似來舊日之庭。陸氏鴛鴦。欲結他年之塚。薤歌紀傳。咸會一編。可謂觀風似面。聽辭如泣者也。嗟乎。鶯

飛。故。院。花。發。舊。枝。寒。梅。已。落。載。詠。何。人。茱。萸。飄。香。前。詩。徒。在。篋。有。遺。芳。翰。留。
餘。采。溘。焉。一。朝。居。然。萬。古。玉。女。峰。高。金。精。山。竊。詎。知。姑。射。之。魂。化。爲。瑤。草。庶。
同。長。慶。之。卷。價。重。鷄。林。竊。憫。躬。丁。薄。祐。戶。祚。猖。披。烏。巷。多。塵。青。箱。有。蠹。若。李。
元。素。之。孤。而。有。姊。賈。梁。道。之。抱。而。聞。書。雖。如。母。之。愛。情。逾。楊。氏。而。燕。鬢。之。奉。
不。逮。李。君。鳴。呼。傷。哉。總。慕。猶。懸。右。袂。之。容。未。改。葭。灰。易。變。季。路。之。痛。焉。窮。撫。
卷。興。哀。沾。纓。何。已。是。以。夫。人。之。礪。尙。有。待。于。魯。公。爰。翼。大。家。之。文。終。永。傳。於。
女。史。

香雪吟序

午夢堂集

蓋。比。賦。閒。情。風。規。麗。則。聲。詠。之。道。閨。中。尙。矣。故。塗。山。歌。于。候。人。有。娥。謠。乎。飛。
燕。黃。鳥。金。疊。徽。柔。垂。懿。天。桃。穠。李。婉。淑。標。華。明。星。弋。雁。言。夫。靜。好。阿。丘。采。蟲。
矢。其。善。懷。諼。草。申。心。瘳。之。憂。竹。竿。寫。思。歸。之。志。莫。非。宛。情。秀。采。玉。質。芳。詞。樹。
風。藻。之。葩。極。性。情。之。懿。也。暨。王。化。殄。澤。風。人。輟。采。班。姬。團。扇。明。妃。琵琶。卓。女。

魚尾之吟。竇妻兔走之詠。蒲生悲于塘上。山樹哀乎盤中。寄怨溼絲。織恨紋錦。顧芍藥而贈詩。指靡蕪而製曲。此皆朗麗哀志。綺靡傷情。物繇時變。音隨氣衰。求其志和而音雅。思質而詞良者。蓋亦鮮矣。當今風雅播洽。翰藻繁興。而金閨之秀。罕儷其儔。吾姊明慧夙成。靈睿天植。幼嫻禮訓。長好詩書。固已識姿風絮。驚穎焦桐。豈止見燕華瑞葉之吟。篆紫石北山之文哉。乃復克履至性。殫厥孝恭。柔靜端恪。慈惠溫良。深有古人之風。不媿君子之行。桓少君清卓之姿。歸鮑司隸。而益顯馬淑媛。儒雅之秀。偕袁司徒。而愈光仲韶高風碩行。咸曰內助。豈其虛焉。蓋謝家道蘊。未昭令德。劉氏三娘。祇符文彩而已。試方于此。未足云多。是以抒情問雅。摘響幽清。飛靡芳藻。繚纈微詞。寓物鑄思。感時鏤韻。錦字珠霏。玉臺蠶積。未嘗輕出示人。所以不多行世。因嗟行役。寄意寒葩。爰琢冰心。用敷瑤句。帙彙千言。詩成百首。羅浮夜月。倒素影于墨池。庾嶺春風。織芳颺于翠管。關山龍笛。高樓之恨。靡窮江海。魚書驛路之思。

無。限。雕。雲。寫。貌。刻。月。追。情。獵。芬。齊。殿。凝。皓。梁。園。散。壁。流。輝。裂。紈。鋪。色。訓。靡。辭。
豔。簡。縉。標。新。幽。旨。泉。永。逸。采。煙。飛。寒。句。侵。心。馨。詞。染。袂。出。以。清。麗。歸。于。淡。雅。
所。謂。清。潤。冰。玉。之。姿。瀟。洒。林。下。之。氣。觀。其。詞。可。以。察。其。槩。矣。豈。與。何。遜。爭。吟。
嘯。之。興。江。妃。騁。作。賦。之。才。哉。炳。才。非。劉。氏。學。謝。班。家。未。讀。父。書。日。慚。馬。服。之。
子。幸。有。母。在。或。希。士。行。之。名。敢。效。調。羹。之。吟。志。爲。宰。相。惟。餘。倚。樹。之。咏。事。比。
幽。人。竊。附。雕。蟲。徒。思。夢。鳳。三。復。斯。章。有。深。媿。焉。

返生香序

午夢堂集

嘗。聞。龜。山。少。女。名。署。玉。書。南。嶽。夫。人。歌。聞。雲。漱。華。巔。朱。履。因。亂。世。而。昇。雲。劉。
氏。白。鵝。壓。塵。氛。而。度。世。誠。以。天。姿。絕。俗。秀。氣。凌。煙。中。懷。瀟。灑。林。下。之。風。飄。飄。
出。塵。之。想。豈。能。抑。遐。志。於。金。屏。老。雲。翹。於。珠。戶。哉。蓋。吹。笙。馭。鳳。非。俗。世。之。賓。
棲。月。乘。鸞。豈。人。間。之。婦。是。以。流。霞。玉。英。不。同。金。石。之。翫。琪。花。珠。草。鮮。齊。桃。李。
之。芳。九。英。之。芝。莫。育。于。常。圃。五。色。之。泉。不。流。于。濁。溪。何。則。物。有。媿。而。自。貴。性。

有異而獨遙殊情孤邁雋采易遷斯神明之靈淑固溷濁之所難留也夫古之淑媛秀質金閨雅麗之姿椒房窈窕之選亦有明詩嫺禮摘賦擅詞令辭敷灑昭宣德聞册光麗采墨鐫芳華馨播詞人之口照耀文士之目然或蘭摧別苑珠碎高樓長門永歎塘上空悲或辭身鄉國崎嶇異域隕魄胡沙埋魂驛路莫不泣飲寒聲愁啣弱影琵琶夜月恨與雁而長飛繡嶺春風怨隨花而不落爰思淑姿令終多才而寡累者固什不獲二三也豈若御青霞入紫霓友素娥而侶宓妃哉余甥瓊章葉虞部仲韶之三女也生而靈異慧性夙成長而容采端麗明秀絕倫翠羽朝霞同于圖畫輕雲迴雪有似神人年十餘知詞賦十三四工篇章并古文及齊梁體皆過目能誦操翰成章朗雋適逸咸遵其致十五學琴與弈摹古人書畫無師而解其意舉止莊靜不妄言笑史書所稱無以過也迺復身存華鬪志逸煙巒以婉嬖之年懷高散之韻紫水芙蓉之詠半屬遊僊錦書飛雲之編爰思大道寓懷雙鶴無非翫水

之詞。寄意六花。盡皆瑞葉之句。夢越紅泉。瑤姬不遠。情依碧嶠。銀闕非遙。斯誠達人之所幾。詎知才士之所及。至年十七。將嫁而遽隕。逮歛之日。玉色輝朗。朱唇鮮澤。舉體輕柔。類同尸解。稽其既沒之景。合其生存之辭。若符一致。固非馮雙之偶。降卽同蘭香之再生矣。繇斯以譚。心高五岳。氣軼層霄。方且恥彩鸞之多嫁。訾弄玉之有夫焉。肯畫眉玉鏡。掩袂鳳帷也哉。嗟夫。神山萬里。方士望而難來。靈鶴千年。華表歸而無日。金疊月冷。爰同玉女之壺。花砌苔封。卽是麻姑之石。遐哉邈矣。孰可諉焉。母氏宛君。吾家道蘊也。敎三女。長昭齊。次蕙綱。皆知詩屬文。而瓊章尤爲挺拔。如劉家令嫺。竟芳年蚤世。悲夫惜哉。仲韶文章才行。旣顯厥世。儒雅風藻。洽于家庭。故諸子能言卽知誦詩。毀齒卽能爲文。瓊章之沒。小大皆有詩文祭之。雅麗可觀。殆其性然歟。咸集而著之于世。覽者明焉。

甥女葉瓊章哀詞

維重陰之沍節。歲道盡而沈臧。天窮窮以次寥。氣荒荒而悲涼。覽萬物之伊鬱。悼芳華之彫傷。嗟彼美之修能。既受命于淑良。含明慧之哲性。更篤靜而有方。攬詩書之要眇。漱細縑之羣芳。詠微詞于瑞葉。篆紫石之瑤章。耀薜華之初榮。灼朱霞之晨光。質姝麗以玉立。澹幽思以豫康。審靈妃之微笑。遵玉女之輕翔。曳素霓以爲衣。飲瓊華以爲漿。盼青鸞而爲友。指倒影以相望。樂靈鵝之獨舉。羞簫聲于鳳皇。玉種田而生璧。駕銀河以爲梁。忽崇蘭之夕悴。隕芙蓉于朝霜。吳山寂而傷碧。江水清以悽愴。日宛宛而易匿。夜遙遙而彌長。風瑟瑟以颺帷。悄餘響于虛房。舉珠簾而髣髴。拂明鏡而不忘。詩未成而遺錦。琴罷曲而高張。石竹燦于羅衣。蝴蝶飛于故裳。寶鴨寒而香盡。燈熒熒而照牀。重曰。鳳朝飛兮。秦月缺。雁語悲兮。金徽絕。朱鳥虛兮。文窗銀蒜懸兮。玳押人不見兮。倚闌餘粉汜兮。翠滅碧苔封兮。屢塵蕙草泣兮。珮玦幽扇閉兮。歸燕驚梧桐下兮。秋風冽吹繁筍兮。飛落梅梁園皓兮。橫暮雪流水去兮。

不。回。花。辭。柯。兮。永。別。碧。海。兮。丹。山。玉。樹。兮。銀。闕。人。歸。來。兮。何。時。思。眇。眇。兮。煩。結。

哀威期甥文葉氏靈護集

嗚呼威期。爾生而穎。爾生而溫良。爾生而孝友端恪。慈愛信信。氣峻而志方。爾生而軒朗英茂。藻耀高翔。孜孜黽黽。力學而自疆。器識傑然自拔。卓乎不可一世。意固未易以可量。乃奄然早世。芝焚蕙折。天地悲涼。親朋雨泣。高堂冤痛。幼婦頓絕。而催傷。嗚呼哀哉。何賦材之明淑。乃厥命之難長。集世德之餘祐。胡善積而禍昌。世固有食肉衣錦。目如面牆。弇鄙曠驚。憮恣輕狂。終身無恙。志樂身康。孰是束身飭行。勤思刻礪。綺歲而妖亡。割肌膚之至痛。掩壯志於泉下。入修夜而不陽。嗚呼哀哉。昔余先君。愛我伯姊。歲在洽協。投簪海畔。晏處故里。姊時歸甯。携抱于爾。娟然玉茁。能笑能嬉。時余將婚。先君志喜。對姊命余曰。汝婚而有女。必將以配此子。予不敢忘。逮先君陟遐。而首誕蘭

支。君晦女字乃終執箕箒于吾子。嗚呼。豈非天歟。晏爾一載。自春徂冬。僕僕于道。

槐黃失意。而遂齋志以終。別鵠夜怨。悲鸞曉空。虛閨漠漠。幼嫠皜皜。嗟弱息之無嗣。撫雛嬰以永終。誠天命之若斯。何荼毒而多凶。憶余秋居白下。被誦棘闈。同爾昆而慰余。切切備至。方掩涕而吁歔。逮冬之初。余遘沉疾。困臥牛衣。念爾昆友。時及予帷。惠我靈膏。解我愁思。閱我貧乏。分蓼苓以進台。此時瞻爾顏色。氣浮而聲嘶。予實驚且懼。爾謂予曰。醫人告予以暑疾。舅氏不必于憂疑。予方信。英年之無害。孰意其彌留而難移。嗚呼。哀哉。予至冬末。雞骨乍興。走力問子。不獲爾音。繼聞就醫以入越。而翁而昆。時慰余以嘉音。迨歲適盡而未返。予實耿耿而憂深。恨余疾之未艾。不得匍匐執手而言心。乃倉鵲寡術。神巫鮮靈。歎侯仙樂。既戾止而不回。王孫簪筆。入闔闔以宵冥。嗚呼。孰謂向之悲予者。予且死而更甦。而今之不克自悲者。遂一疾而隕其生。能不痛哉。吁。嗟已矣。生死長辭。春旭頽紅。珠魄傾輝。華叢霜折。丹翻風催。丁令。

一。去。歸。來。何。期。紆。懷。軫。結。疾。首。何。知。既。陳。詞。而。引。痛。復。永。歎。而。誄。之。

誄。曰。分。裔。雲。夢。表。系。江。淮。宋。聯。星。耀。明。昭。日。回。家。聲。淵。濶。國。牒。山。巍。魚。組。曠。
棘。蟬。珥。垂。槐。武。繩。孔。揚。翼。燕。有。奔。鳳。謝。世。興。龍。荀。鮮。敵。桂。岫。分。紅。草。池。凝。碧。
玉。勝。王。甥。珠。驚。郗。客。母。既。道。韞。林。下。風。清。妹。亦。令。嫻。幽。蘭。載。賡。姜。被。夙。愛。劉。
帶。兼。誠。分。莫。克。讓。易。衣。忘。貧。詠。媿。白。鵝。賦。同。黃。雀。警。頰。蚤。年。芳。英。紛。薄。囊。錦。
心。剝。牀。繩。膝。削。未。齟。通。經。成。童。入。雒。意。平。南。斗。氣。過。增。城。雄。文。痛。哭。厲。志。請。
纓。一。蹶。不。遂。驟。爾。忘。生。鑊。鋸。易。折。豫。章。難。成。命。也。如。何。智。豐。福。蹇。簫。鳳。孤。飛。
笙。鶴。獨。遠。風。徑。亡。琴。月。牕。餘。卷。丹。槩。煙。霏。墨。花。露。剪。遺。詞。若。語。畫。影。疑。臨。幃。
燈。宵。掩。簾。曦。晝。陰。梧。飄。獨。嘯。竹。霰。齊。吟。紅。薇。落。錦。香。粟。飛。金。涼。暄。代。徂。悲。恨。
靡。訴。嚶。嚶。孤。女。哀。哀。幼。婦。蘭。筇。徒。陳。金。爐。虛。炷。帝。魄。難。歸。夫。山。空。駐。盤。龍。罷。
鏡。比。翼。辭。裳。浥。淚。鑄。墨。韻。楚。激。商。才。遜。劉。氏。哀。同。敬。姜。兼。葭。自。愧。冰。玉。偏。傷。

車遙遙篇

明詩綜沈氏
詩集無篇字

車遙遙兮馬閑閑壯士去兮入秦關春風暮兮秋草殘追思君兮淚潺湲

豫章行 明詩綜松陵詩 徵沈氏詩集

頽曦有重旦缺魄當再圓落花還更蕊衰草可復鮮陰陽有消長於人獨不然奄忽辭親友永訣入九泉九泉杳冥冥長夜何漫漫感念痛生人千秋難復還

招隱 詩徵集

居卑自免辱居貧自免憂憂辱既不至於世復何求高蹈俗氛外還與秋雲遊 詩集作心 與浮雲游 冥靈多歲月蟪蛄無春秋榮名竟何如巖谷其可謀

七哀 詩徵

暮雲歸遠岫暮鳥飛參差參差向山樹落日見茅茨秋聲來遠近颯颯入東籬草木哀秋至男兒惜壯時慷慨揮涕下悵悵何所之古道多荒冢蕭蕭惟萑葦念彼泉下子喟然有餘思紅粉佳人意山河壯士悲生為秋風老死為

秋風吹白首餘千載哀哉空爲誰

烏棲曲 詩徵

玉臺金屋麗以華盤龍繡鳳瑠朱霞中有佳人泣團扇夜夜獨臥長門殿
秦箏趙管芙蓉面玉腕葡萄醉芳宴夜傍蘭橈積翠池珊瑚火樹照妖姿
明星如珠月如璧翠檻澄輝露華白霓裳綽約翻清風僊僊欲上廣寒宮

寒食 詩徵

寒食淒清酒一樽翠鈿初詩集作空墜綠烟昏飛花雨溼鴛鴦冢細草香銷蛺蝶
魂石鏡對來山有淚素娥歸去月無門湘風吹曉相思樹雲嶠沈沈鎖碧痕

四時白苧歌詩集

柳枝飛雪桃吐霞珠勒金鞭玳瑁車錦茵列坐調琵琶朝朝暮暮擁如花
海榴灼灼照新粧錦浪風吹菡萏香湘簾冰簟清且涼美人高枕酣瓊漿
素月灑灑如白霜秋花燦燦多金光芙蓉高燭照高堂玉笛銀箏滿象牀

風吹黃竹。悽以哀。梁園雪滿。齊平臺。六幅圍屏。翡翠開。猩紅酒拍金杯來。

殘春詩集

春到將窮處。誰能玩物華。五雲徒拱日。三樹亂啼鴉。著意憐幽草。無端嘆落花。東風不可問。江上有悲笳。

芙蓉渡詩集

隔浦蓮舟並。輕烟籠白蘋。畫橋斜月裏。疑有浣紗人。

官詞二首詩集

鳳樓百尺繞垂楊。暗送鶯聲促曉粧。太液胭脂流不盡。春濃先上露桃香。春日溶溶春夜闌。風流帝子惜春殘。三千歌舞猶嫌少。復令琵琶馬上彈。

中興樂

芙蓉池上露初涼。桐花月轉迴廊。秋滿紋簾。孤燈漏長。夢入紅樓畫牆。見蕭娘。覺來枕畔。玉釵猶響。無限思量。

更漏子

憶情人。南浦去。携手何人低語。眉樣淺。翠衣輕。鶯啼畫舫行。香闥掩。珠帷歛。春剩楊花千點。愁不禁。黯銷魂。黃昏獨倚門。

虞美人

春景

竹籬陣陣飛花雨。棲燕銜香語。孤雲細草小溪晴。攀梅拾豆打流鶯。短橋橫。楊花一似郎情薄。相見還飄泊。空餘三月斷腸春。萬重山外楚江濱。有人。

詠史二首

詩微

吳江

沈自駟

君牧

漢季天下亂。標榜由衆賢。南州有高士。生性如霞。襄府君下一榻。客去卽復懸。千里赴會葬。一束生芻。傳飲酒。問當時。垂首不忍言。大廈憑一木。誰能支已顛。傷哉郭林宗。歎息徒流連。

四海旣崩喪。賢儁紛拉沓。襄鄧臥潛龍。泥塗隱鱗甲。長嘯謂羣輩。州郡才堪

恰問公亦何為含笑不復答寥寥梁父吟高風莫可接豫州三顧重一日君

臣合指掌草廬閒遂定三分業去病案公沈靜有識料事多中初在史公幕見其姁姁務親細瑣即決為無成

拂衣遽歸後復屢諫吳公不聽輒大慟卒以兵敗死節蓋始終懷才無所試試而又不能盡傷己讀此二詩庶幾觀公之襟抱哉

吳江竹枝詞詩集

湖中藕樹白花香湖邊蓴菜紫絲長藕花結子秋露落蓴絲流滑秋風涼

養疴詩微 吳江 周耀始 思橋

養疴添性懶減事稱幽縱野果傾筐得殘書著墨濃無心偕六逸常愧失三冬落落誰知者呼為賣菜傭

幽居次韻詩微

茶經校桑苧漁具詠天隨一種蕭閒趣鴻蒙我獨私

晚對樓暮眺詩微 吳江 徐鑛掌文

亂雲隨薄暮山遠映空樓水外浮煙動一聲歸雁秋杵荒歌欲斷楓落日含

愁。悵。望。艱。難。際。時。窮。隱。百。憂。

吳佩遠徐昭法晚過詩綜

吳江包捷驚幾

野。岸。黃。泥。路。繁。花。二。月。天。有。來。客。不。速。休。使。榻。常。懸。秉。燭。愁。仙。鼠。披。衣。拜。杜。鵬。人。生。寧。再。少。莫。負。酒。如。泉。

藏軍洞同上

誰。識。藏。軍。洞。連。山。霸。詩綜伯氣平。深宮方教詩綜閉戰。敵國利行成。劍術諸離死。

兵。容。婦。女。更。勾。吳。空。舊。壘。不。盡。怒。濤。聲。

弔方正學先生祠同上

正。學。祠。荒。野。草。榮。門。前。惟。見。大。江。橫。革。除。青。史。人。長。在。飛。渡。金。川。路。未。明。自。有。麻。衣。慚。叔。父。難。將。草。詔。重。先。生。從。今。家。事。誰。堪。說。更。為。文。皇。痛。北。平。

過通濟門同上

金。城。介。馬。異。東。游。輞。道。亭。連。故。國。秋。不。見。小。兒。能。破。敵。詩綜賊漫言太尉獨登。

舟管絃聲咽。開元曲楊柳煙。餘結綺樓。到此傷心。休再問。昔年天子本無愁。

哭張受先生 詩微

柳下真慙詠。衰門獨廢詩。道窮殷主夢。士失漢經師。一節歸先主。千秋付後兒。東瞻盈涕泗。更有哲人誰。

信陵君墓 詩綜 詩微

吳江 吳祖錫 佩遠

六國安危只繫君。握符兩度卻秦軍。一丸幾撤函關上。五色齊飛芒碭雲。未見特詩微持牛。陳大俎。暫將醇酒酌高墳。可憐異代留毛薛。徙倚夷門到夕曛。

輯袍澤餘音畢。而附以包吳二遺民詩者。何曰。為其志同也。曷言乎其志之同。曰。驚幾哭君昌。于內橋。歛長興。于草橋。則纒布之儔也。佩遠。毀家財十萬。佐陳徐。奉蒼水。密疏走滇南。萬里出入豺虎之穴。崎嶇山谷之間。思得一當。以報朝廷氣節。特振卒以思陵諱。日一慟而絕。此其志蓋軼疊山。臬羽而上之。即不與公有連。猶當特傳。而況其為故人昆季乎。去病再跋。

WY 1000

上海图书馆藏书



A541 212 0007 1580B



丁未七月十五日出版
丁未七月十五日發行

國粹叢書吳長興伯集

定價銀五角

著者

吳江吳易日生

印行者

上海鐵馬路北愛而近路
國學保存會

發行所

上海四馬路東惠福里
國粹學報館

松陵叢書社

